


咸 恒 遯 大壯 晉 明夷 家人

周易
七

周易傳義大全卷之十二

周易下經



兌上
艮下

咸序卦有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯天地萬物之本夫婦人倫之始所以上經首乾坤下經首咸繼以恒也天地二物故二卦分為天地之道男女交合而成夫婦故咸與恒皆二體合為

周易傳義大全卷之十二

周易下經



艮下
兌上

傳咸序卦有天地然後有萬物有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下然後禮義有所錯天地萬物之本夫婦人倫之始所以以上經首乾坤下經首咸繼以恒也天地二物故二卦分為天地之道男女交合而成夫婦故咸與恒皆二體合為

夫婦之義咸感也以說為主恒常也以正為本而說之道自有正也正之道固有說焉巽而動剛柔皆應說也咸之為卦兌上艮下少女少男也男女相感之深莫如少者故二少為咸也艮體篤實止為誠慤之義男志篤實以下交女心說而上應男感之先也男先以

誠感則女說而應也

建安丘氏曰咸二少相交者夫婦之始也所以

論一婚交感之情故以男下女為象男先下

終也所以論萬世處家之道故以男尊女卑

為象女下於男居室之倫正矣或曰卦以二少二長相重者不有損益乎曰損雖二少而男不下女咸感之義微矣益雖二長而女居

男上恒久之義悖矣此下經所以不首損益
而首咸恒也○雲峯胡氏曰先天八卦之象
說卦凡兩言之先言天地而即繼之以山澤
繼言水火雷風而終之以山澤相薄者有貴
於不相悖不改然則上經有貴於相逮唯通氣則
兩言之不相悖不改然則上經有貴於相逮唯通氣則
位也下經首於咸者山澤通氣也故坤分
故乾坤分而為二卦氣欲其合故山澤合而
為一卦又易八純卦六爻皆應泰否天地相應故居
損益既未濟六爻皆應泰否天地相應故居
上篇咸損少男少女相相應恒益長男長女相
應既未濟中男少女相相應故居下篇咸以少
男下少女又應之切至者故居下篇之首故
上經彖辭不言女下經咸取女吉家入利女
貞姤勿用取女漸女歸吉多
言婚娶之事而首於咸見之

咸亨利貞取女吉

具取反七

傳

咸感也不曰感者咸有皆義男女交相感

咸

也物之相感莫如男女而少復甚焉凡君臣
上下以至萬物皆有相感之道物之相感則
有亨通之理君臣能相感則君臣之道通上
下能相感則上下之志通以至父子夫婦親
戚朋友皆情意相感則和順而亨通事物皆
然故咸有亨之理也利貞相感之道利在於
正也不以正則入於惡矣如夫婦之以淫姣
君臣之以媚說上下之以邪僻皆相感之不
以正也取女吉以卦才言也卦有柔上剛下
二氣感應相與止而說男下女之義以此義

取女則得正而吉也

本義 咸交感也兌柔在上艮剛在下而交相

感應又艮止則感之專兌說則應之至又艮

以少男下於兌之少女男先於女得男女之

正婚姻之時故其卦為咸其占亨而利貞取

女則吉蓋感有必通之理然不以貞則失其

亨而所為皆凶矣西溪李氏曰易无思也无

天下之故有心於求感非易之道也故去心

而名卦以咸○問丘氏所曰感非其正則夫

婦不以禮合君臣不以道合朋友不以義合

終必至於睽離故曰亨利貞○中溪張氏曰

咸

物之相感莫如男女之少者故二少為咸上

三

正以此道而取女其吉可知。○雲峯胡氏曰
 咸感也不曰感而曰咸咸皆也。无心之感也
 无心存感者无所不感也。感則必通而利在
 於貞。凡言感之道當如此。取女吉。專言取女
 者當如女也。不可靜正為主。男不下女。而女從
 之。非貞女也。不可取矣。○雙湖胡氏曰。文王
 於咸卦自取女象一卦重在三上兩爻三
 為艮主上為兌主男女皆得其正。故曰利貞
 故取女吉也。况二五又正其不正者。初四而
 已。曰取女二體又以艮為重而咸之所以得
 名亦由於艮。艮為感主。而兌已是應體。本義
 謂艮止則感之專。兌說則應之至。已盡卦義
 此所以二少尤有夫婦感應之道。而為下經
 之首。與乾坤分主上下經也。先儒謂上經乾
 坤以二老對立。下經咸以二少合體。深為得之

彖曰咸感也

本義釋卦名義

臨川吳氏曰。卦之二體陽感
 而陰應。陰感而陽應。六畫皆

相與卦之所以得咸感之名也。○建安丘氏曰：咸者感也，所以感者心也，无心者不能感。故咸加心而為感，有心於感者亦不能咸感。故咸去心而為咸，咸皆也，唯无容心於感，然後无所不感。聖人以咸名卦而彖以感釋之，所以互明其旨也。

柔上而剛下，二氣感應以相與，止而說，男下女，是以亨利貞，取女吉也。

說音悅，男下之下，遐嫁反。

傳

咸之義感也在卦，則柔爻上而剛爻下，柔

上變剛而成兌，剛下變柔而成艮，陰陽相交為男女交感之義。又兌女在上，艮男居下，亦柔上剛下也。陰陽二氣相感相應而和合，是相與也。止而說，止於說為堅慤之意，艮止於

咸

周易傳義大全卷十二

日

一

下篤誠相下也兌說於上和說相應也以男

下女和之至也相感之道如此是以能亨通

而得正取女如是則吉也卦才如此大率感

道利於正也厚齋馮氏曰剛柔以質言感應之

而成兌是坤與乾也坤之氣感乎乾乾應之

而成艮是乾與坤也○縉雲馮氏曰柔上剛

下女應相與所以為亨止而說所以利貞男

以卦才言也夫婦之道止而不說則離說而

正也○建安丘氏曰柔上上也六本居三上

與乾交而為兌也剛下三也九本居上下與

坤交而為艮也二氣感應以相與山澤通氣

也不言山澤者言山澤則不見相與之義故

以二氣言之觀恒言雷風相與則知二氣相

與之為山澤爾此釋咸亨義止而說以二德

言人心之說動易失正唯止而能說則無拘
情從欲之失此釋利貞義男下女以二象言
謂以艮之少男下於兌之少女也凡婚姻之
道无女先男者必女守貞靜男先下之則為
得男女之正此釋取女吉義
故下以是以此二字總結之

本義以卦體卦德卦象釋卦辭或以卦變言

柔上剛下之義曰咸自旅來柔上居六剛下

居五也亦通雲峯胡氏曰以卦體釋亨以卦德釋利貞止而後說所以為貞

不止非貞也以卦象釋取女吉

天地感而萬物化生聖人感人心而天下和平
觀其所感而天地萬物之情可見矣

傳既言男女相感之義復推極感道以盡天

咸

地之理聖人之用天地二氣交感而化生萬物聖人至誠以感億兆之心而天下和平天下之心所以和平由聖人感之也觀天地交感化生萬物之理與聖人感人心致和平之道則天地萬物之情可見矣感通之理知道者默而觀之可也

本義極言感通之理

胡氏曰天地感而萬物

行也聖人感人心而天下和平言二五交而治化行也○張氏彭老曰分而言之則天地萬物以化生相感應聖人天下以和平相感應天地自天地聖人自聖人也合而言之此之呼歟語默即彼之翕張闔闢此之喜怒哀樂即彼之慘舒榮悴道化之宰生意之充天

地即聖人聖人即天地也○中溪張氏曰天地之感也○以氣聖人之感人也○以心天地交感而萬物有化生之理聖人感人心而天下有和平之治寂然不動性也感而遂通情也○見矣情者感而動者也○天地萬物之情○節齋蔡氏曰天地萬物之情感而必應應感之間情无所遁矣○雲峯胡氏曰上經首乾氣化之始而曰品物流形下經首咸形化之始而曰二氣感應氣與形固未嘗相離也上經首乾彖傳言性下經首咸彖傳言情復之彖言天地之心咸言人心學易者於此當有悟矣

象曰山上有澤咸君子以虛受人

傳澤性潤下土性受潤澤在山上而其漸潤

通徹是二物之氣相感通也君子觀山澤通氣之象而虛其中以受於人夫人中虛則能

受實則不能入矣虛中者无我也中无私主

則无感不通以量而容之擇合一作交而受之

非聖人有感必通之道也朱子曰山上有澤

土燥有受之義土若不虛如何受得上兌下艮兌上缺有澤口之象兌下二陽畫有澤底

之象艮上一畫陽有主之象下二陰畫中虛便是滲水之象○問程傳以量而容之莫是

要着意容之否曰非也以量者乃是隨我量之大小以容之便是虛了○中溪張氏曰

水之性潤下土之性受潤土之中虛者則於潤无所不受心之中虛者則於人何所不容

實則不能相入矣

本義 山上有澤以虛而通也白雲郭氏曰山

物化生君子法之以虛受入唯虛故受受故能感不能感者以不能受故也不能受者以

不能虛中故也。○建安丘氏曰：山上有澤，其中必虛。虛則山澤之氣通，而感應之理以生。君子觀虛而能感之象，而以虛受人，人之一心其寂然不動，感而遂通者，虛故也。苟以私意實之，則先入者為主，而感應之氣窒。雖有至者，皆捍之而不受矣。故山以虛則能受澤，心以虛則能受人。○雲峯胡氏曰：咸取无心之義，以虛受人，无心之感也。上經首乾，坤自強反，諸已厚德施於人，下經首咸，恒虛以施於人，立則反，諸已。

初六咸其拇

拇反

傳

初六在下卦之下，與四相感，以微處初其

感未深，豈能動於人？故如人拇之動，未足以進也。拇足大指人之相感，有淺深輕重之異。識其時勢，則所處不失其宜矣。

本義 拇足大指也咸以人身取象感於最下

咸拇之象也感之尚淺欲進未能故不言吉

凶此卦雖主於感然六爻皆宜靜而不宜動

也藍田呂氏曰初與四應四以心感而初以

行蓋心感而跡未應也○厚齋馮氏曰九四

心之象咸之主也下體自拇而腓腓而股皆

聽命於心而初六正應九四則尤為所感之

專者特去凶尚歷三爻視腓之近以為行故

未有吉凶體初象解九四解而拇亦指初也

嘗觀文王於兩體重在三上兩爻以男女之

象以四當心位為感之主絕无卦辭之意卦

父不同如心使交辭皆作於文王必互相發

明矣○雲峯胡氏曰咸恒初爻皆淺之地咸

拇感之未深而艮性能止故不言吉凶恒初

未可求深而異性善入雖貞亦凶淺深
輕重異宜學易者信不可不知時也

象曰咸其拇志在外也

傳初志之動感於四也故曰在外志雖動而

感未深如拇之動未足以進也中漢張氏曰初與四為正

應所感雖淺然觀其拇之動則知其志已在乎外卦之九四矣

六二咸其腓凶居吉腓房非反

傳二以陰在下與五為應故設咸腓之戒腓

足肚行則先動足乃舉之非如腓之自動也

二若不守道待上之求而如腓之動則躁妄

自失所以凶也安其居而不動以待上之求

咸

則得進退之道而吉也二中正之人以其在咸而應五故為此戒復云居吉若安其分不自動則吉也

本義 腓足肚也欲行則先自動躁妄而不能

固守者也二當其處又以陰柔不能固守故取其象然有中正之德能居其所故其占動

凶而靜吉也進齋徐氏曰咸體宜靜二柔不

與五為正應當待五之體之中故曰咸其腓二

九五之感而先動躁妄自失所以凶也然以

柔履柔則當其位苟能居以俟之不亦吉乎
○楊氏曰六二之感以腓可謂凶矣然居而不行靜而不動故可以易凶而吉易害而利

矣○誠齋楊氏曰鍾不扣而鳴則妖石非言之物而言則惟物有不感而自動者乎故以居為吉○雲峯胡氏曰咸艮皆取身為象咸六二即艮六二艮其腓不言吉凶咸其腓則謂也

象曰雖凶居吉順不害也

傳二居中得正所應又中正其才本善以其

在咸之時質柔而上應故戒以先動求君則

凶居以自守則吉象復明之云非戒之不得

相感唯順理則不害謂守道不先動也

中溪張氏

曰陰性本靜二能順其性而不動則不至有私感之害矣六二之居吉即洪範之用靜吉也

九三咸其股執其隨往吝

傳

九三以陽居剛有剛陽之才而為主於內

居下之上是宜自得於正道以感於物而乃
應於上六陽好上而說陰上居感說之極故
三感而從之股者在身之下足之上不能自
由隨身而動者也故以為象言九三不能自
主隨物而動如股然其所執守者隨於物也
剛陽之才感於所說而隨之如此而往可羞
吝也

東谷鄭氏曰初與二陰也感於陽而動
故其咸為拇為腓三陽為艮主宜止而

不動今亦說上陰而
應之故為咸其股

本義 股隨足而動不能自專者也執者主當

持守之意下二爻皆欲動者三亦不能自守

而隨之往則吝矣故其象占如此中漢張氏

下體之上故曰咸其股股不能自行而隨足以動是堅執下隨之說者也以此而往誠可

羞吝○雲峯胡氏曰腓居下體之中二象股居下體之上三象程子謂三隨上蔡氏謂三

動而二隨之本義以為股隨足而動象三隨二與初而動良言隨在二腓隨三之限而

止也咸言隨在三三股隨下之足而動也○進齋徐氏曰世之君子位居人上所守不正

感不以道而反徇夫褻御臣僕在下者之私情至於多行可愧者皆執其隨者也

象曰咸其股亦不處也志在隨人所執下也

傳 云亦者蓋象辭一作本不與易相比自作

咸

一處故諸爻之象辭意有相續者此言亦者

承上爻

一有象字

辭也上云咸其拇志在外也雖

凶居吉順不害也咸其股亦不處也前

一作下

二陰爻皆有感而動三雖陽爻亦然故云亦

不處也不處謂動也有剛陽之質而不能自

主

一作立一作處

志反在於隨人是所操執者卑下

之甚也

本義

言亦者因前二爻皆欲動而云也二爻

陰躁其動也宜九三陽剛居止之極宜靜而

動可吝之甚也

建安丘氏曰下卦二陰感物而動故不知止三剛而止體

乃亦如二陰之為故曰亦不處陽在上而不下
隨二陰故曰所執下也○雲峯胡氏曰彼不
處而我亦不處不能自
立而日究乎汚下者也

九四貞吉悔亡憧憧往來朋從爾思憧昌容反又音童

傳感者人之動也故皆就人身取象拇取在

下而動之微腓取先動股取其隨九四无所
取直言感之道不言咸其心感乃心也四在
中而居上當心之位故為感之主而言感之
道貞正則吉而悔亡感不以正則有悔也又
四說體居陰而應初故戒於貞感之道无所
不通有所私係則害於感通乃有悔也聖人

咸

感天下之心如寒暑雨暘无不通无不應者亦貞而已矣貞者虛中无我之謂也憧憧往來朋從爾思夫貞一則所感无不通若往來憧憧然用其私心以感物則思之所及者有能感而動所不及者不能感也是其朋類則從其思也以有係之私心既主於一隅一事豈能廓然无所不通乎繫辭曰天下何思何慮天下同歸而殊塗一致而百慮天下何思何慮夫子因咸極論感通之道夫以思慮之私心感物所感狹矣天下之理一也塗雖殊

而其歸則同慮雖百而其致一有極字一作極致則一

雖物有萬殊事有萬變統之以一則无能違也故貞其意則窮天下无不感通焉故曰天下何思何慮用其思慮之私心豈能无所不感也日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信也屈信相感而利生焉此以往來屈信明感應之理屈則有信信則有屈所謂感應也故日月相推而明生寒暑相推而歲成功用由是而成故曰屈

信相感而利生焉感動也有感必有應凡有

動皆為感感則必有應所應復為感

一有感所字

復有應所以不已也尺蠖之屈以求信也龍蛇之蟄以存身也精義入神以致用也利用安身以崇德也過此以往未之或知也前云屈信之理矣復取物以明之尺蠖之行先屈而後信蓋不屈則无信信而後有屈觀尺蠖則知感應之理矣龍蛇之藏所以存息其身而後能奮迅也不蟄則不能奮矣動息相感乃屈信也君子潛心精微之義入於神妙所

以致其用也潛心精微積也致用施也積與
施乃屈信也利用安身以崇德也承上文致
用而言利其施用安處其身所以崇大其德
業也所為合理則事正而身安聖人一作賢能
事盡於此矣故云過此以往未之或知也窮
神知化德之盛也既云過此以往未之或知
更以此語終之云窮極至神之妙知化育之
道德之至盛也无加於此矣程子曰咸九四言貞吉悔亡言
咸之不可以心也。天地之間只有一箇感與應而已更有甚事。天地之常以其心普萬物而無心聖人之常以其情順萬物而無情故君子之學莫若廓然而大公物來而順

應○窮神知化之妙者神也○或問成九四傳說以立道窮神則无易矣○蓋嘗有此語曰敬心之貞一處全○問感通之理曰蓋嘗有此語曰我通是自家受他感處之意○問明道云莫若廓然而大公物來而順應如何曰廓然大公便不是憧憧物來而順應便不是朋從爾思此只是比而不周周而不比之意○問伊川解屈信往來一段以屈伸為感應屈伸之與感應若不相似何也曰屈則感伸伸則感屈自然之理也今以鼻息觀之出則必入出感入也入則必出感出也故曰感則必入出感復為感所感復有應屈伸非感應而何○凡在天地間无非感應之理造化與人皆是感應且如雨暘雨不成只是管雨便感得箇暘來暘不成只管暘雨不成只是管雨便感得箇暘寒暑晝夜无非此理如人夜睡不成只管睡至曉須著起來一日運動向晦亦須當息凡一死一生一出一天下有一往一來一語一表聖人是感應如古今天下有一感必有一表聖人

咸

頓在上兢兢業業必曰保治及到衰廢自是整
問如日往則感得那暑來暑往則感得那寒來
一感一應一往一來其理无窮感應之理是
如此日此以感應之理言之非有情者云有
動皆為感似以有情者言父慈則感得那子
愈孝子孝則感得那父愈慈其理亦只一般
此又問感應之理於學者工夫有用處否曰
○以致用也利用安身以崇德也正是這道理
○易傳中說過此以往未之或知也之意為
學正如推車子相似○節初齊氏曰憧憧動心
轉將去更不費力○節初齊氏曰憧憧動心
之貌貞則靜靜則虛虛則一則於來也無
迎於往也無將既應之後蓋猶未應之初也
靜亦定動亦定寂也○誠齋楊氏曰九四適當心
寂何憧憧之有○誠齋楊氏曰九四適當心
位不言心而言思者責其廢心而任思也以
思窮物適以物窮思安能窮神知化而成光

大之盛德哉子曰天下何思何慮此之謂也
○龜山楊氏曰初言咸其拇二言咸其腓三
言咸其股五言咸其脢上言咸其輔頰舌而
九四一爻由一身觀之則心是也獨不言心
其說蓋有心以感物則其應必狹唯无心而
待物之感故能无所不應焉其繇曰貞吉悔
亡憧憧往來朋從爾思夫思皆緣其類而已
不能周也所謂朋從爾思以類而應故也故繫
辭曰天下何思何慮天下同歸而殊塗一致
而百慮天下何思何慮夫心猶鏡也居其所
而物自以形來則所鑑者廣矣著
執鏡隨物以度其形其照幾何

本義九四居股之上脢之下又當三陽之中

心之象咸之主也心之感物當正而固乃得
其理今九四乃以陽居陰為失其正而不能
固故因占設戒以為能正而固則吉而悔亡

暑憧憧往來不能正固而累於私感則但其

朋類從之不復能及遠矣或問程傳云貞者

義云貞者正而固不同何也朱子曰某尋常

解經只要依訓詁說字如貞字作正而固子

細玩索自有滋味若曉得正而固則虛中无

我亦在裏面○問貞吉悔亡憧憧往來朋從

爾思蓋一往一來皆感應之常理也加憧憧

焉則私矣此以私感彼以私應所謂朋從爾

思非有感必通之道矣曰然○問憧憧往來

朋從爾思曰往來自不妨天然○問憧憧往來

不絕只不合著憧憧了便是私意聖人未嘗

不教人思只是不可憧憧往來思他若是義理却

自有箇自然底道理何必思他若是義理却

不可不問○問憧憧往來思他若是義理却

感彼憧憧是添一箇心否曰往來固是感應

憧憧是一心方欲感他一心又欲他來應如

正其義便欲謀其利明其道便欲計其功又

如赤子入井之時此心方怵惕要去救他又

欲他父母道我好這便是憧憧底病。問往來是心中憧憧然往來猶言往來于懷否曰非也繫辭分明說日往則月來月往則日來寒往則暑來暑往則寒來安得為心中之往來這箇只是對那日往則月來底說那箇是自然之往來此憧憧者是如私意不好底往來之理猶言助長正心與計獲相似方往時又便要來方來時又便要往只是一箇忙。問憧憧往來如王者我感之也。私心而感其應我也。無心而應周徧公溥无所私係如此是否曰是如此又問此以私而感恐彼之應者非以私而應只是應之者有限量否曰也是以私而應如自家以私惠及人少間被我之惠者則以我為恩不彼我之惠者則不以我為恩矣王者之感如云王用三驅失前禽去者不以為恩獲者不以為怨如此方是公正無私心。○感應二字有二義以感對應而言則彼感而此應專於感而言則感又無應意。○

易咸感虞伊川說得未備往來自還他有自然之理唯正靜為主則吉而悔亡至於憧憧則私意為主而思慮之所及者朋從所不及者不從矣是以事未至則迎之事已過則將之全掉脫他不下今人皆病於无公平之心所以事物之來少有私意難焉則陷於所偏重矣○往來是感應合當底憧憧是私感應自是當有只是不當私感應爾○問感只是內感曰物固有內感者然亦不專是內感固有外感者所謂內感如一動一靜一往一來此只是一物先後自相感如人語極須默默只是喚做外感感於內者自是內感於外者只是外感如方周徧平正只做出內感便偏自是外如看天地聖人无心位不曰咸其心頗了○節齋蔡氏曰四當心位不曰咸其心者感通之道如天地聖人无不感通者亦唯此理之公无係於物云爾有心則拘矣故不言心○雙湖胡氏曰四不正而云貞吉悔亡者貞則吉而悔可亡戒之也蓋四與初為往來之爻而二爻皆不正故戒以憧憧往來則

咸



所感者狹而不廣矣四當心象而不言心者
以心在內而不可見故特言心之用思者心
之用也○雲峯胡氏曰爻言貞吉悔亡凡四
卦皆先占後象巽九五成卦大壯未濟皆九四
九居四本非貞而有悔聖人因占設戒兩開
其端以為貞者正而固也如是則吉而悔亡
若憧憧往來則失其正而固者矣寂然不
動心之體感而遂通天下之故心之用憧憧
往來已失其寂然不動之體所思者朋
類之從爾安能感而遂通天下之故哉

象曰貞吉悔亡未感害也憧憧往來未光大也

傳貞則吉而悔亡未為私感所害也係私應
則害於感矣憧憧往來以私心相感感之道
狹矣故云未光大也

本義感害言不正而感則有害也
中溪張氏曰四當心

位而不言心又言思象言感者即心也夫本
然虛靜之天純乎貞一未有私感之害故吉
而悔亡者憧憧然往來乎比應之間則意向
不妄其所感者狹矣匪其朋則不從故曰未
光大也○雲峯胡氏曰二與四
皆有吉四正而感則亦免於害

九五咸其脢无悔

脢武孟反又音每

傳

九居尊位當以至誠感天下而應二比上

若係二而說上則偏私淺狹非人君之道豈

能感天下乎脢背肉也與心相背而所不見

也言能背其私心感非其所見而說者則得

人君感天下之正而无悔也

或問程傳曰感非其所見而說

者此是任貞一之理則如此朱子曰武王不
泄通不忘遠是其心量該遍故周流如此是

咸

此義也。○西漢李氏曰：悔亡是有悔而亡之也。无悔是无復有悔也。○中溪張氏曰：九五尊居君位，可以感人心，而天下和平矣。而僅能无悔，何耶？蓋五與六二為應，又比上六，係二而說上所感，以私非聖人感人心之正道，亦猶背肉之晦與心相背而昧无所見也。

本義 晦背肉在心上而相背不能感物而无

私係九五適當其處故取其象而戒占者以

能如是則雖不能感物而亦可以无悔也。節齋

蔡氏曰：晦无所感者，无所感故无悔。○雲峯

胡氏曰：子夏云：在脊曰晦。諸爻象拇象股象

心皆戒其感於物而動五象晦不動矣。而又

不能感物諸爻動而无靜五靜而无動皆非

心之正也。但以其无私係

故曰无悔非深取之也。

象曰咸其晦志末也

傳戒使背其心而咸悔者為其存心一作志淺

未係二而說上感於私欲也

本義志末謂不能感物雲峯胡氏曰初曰志在外三日志在隨人

五雖无私係不能感物其志如此亦未矣

上六咸其輔頰舌

傳上陰柔而說體為說之主又居感之極是

其欲感物之極也故不能以至誠感物而發見於口舌之間小人女子之常態也豈能動於人乎不直云口而云輔頰舌亦猶今人謂口過曰唇吻曰頰舌也輔頰舌皆所用以言

也

本義 輔頰舌皆所以言者而在身之上上六

以陰居說之終慶咸之極感人以言而无其

實又兌為口舌故其象如此凶咎可知或問上六

咸其輔頰舌竊意此爻宜有悔吝而不言悔

吝何也朱子曰吉凶悔吝係乎邪正此但見

其不足以致感人也童溪王氏曰上六居感之極常

以兌之口舌務為柔媚極感之事此小人女

子之常態故曰咸其輔頰舌○雲峯胡氏曰

拇腓股動於下輔頰舌動於上咸宜靜不宜
動况動以口乎咸以言非矣况无實乎艮象
輔咸象輔頰舌咸極於說艮終於止○新安
程氏曰初與四應故拇與心皆在前二與五
應故腓與脛皆在後三與上應故股與
輔頰皆在兩旁而舌居中至理存焉

象曰咸其輔頰舌滕口說也

傳唯至誠為能感人乃以柔說騰揚於口舌

言說豈能感於人乎

木義滕騰通用童溪王氏曰夫以心思感人

其能感人乎此感道之表也○中溪張氏曰蘇秦張儀之徒縱橫其說即滕口說也○或

問咸內卦艮止也何以皆說動朱子曰艮雖是止然咸有交感之義都是要動所以都說

動卦體雖是動然纔動便不吉動之所以不吉者以其內卦屬艮也○艮咸二卦皆就人

身取義皆主靜如艮其趾能止其動便无咎艮其腓腓亦動物故止之不能止其隨是不能


拯止其隨限而動也故其心不快限即腰所在咸其拇自是不合動咸其腓亦是欲隨股

而動動則凶不動則吉○咸就人身取象看來便也是有些取象說咸上一畫如人口中

咸

三畫有腹背之象。下一陽畫有頭之象。艮就人身取象便也。如此上一陽畫有頭之象。中二陰亦有口之象。所以艮其輔。於五爻見。內卦之下動者。咸感於物而動。故六爻之中。吉凶悔吝。亦有足之象。○厚齋馮氏曰。吉凶悔吝。生乎動之辭。備焉。然感生於心。唯心正則所感正。而所動皆正。故以貞吉戒。九四蓋吉凶悔吝之所由生也。下三爻足之象。感於動者也。上二爻喉舌之象。感於言者也。○建安丘氏曰。咸六爻以人身取象。上卦象上體。下卦象下體。初在下體之上。為拇。二在下體之中。為腓。三在下體之下。為股。此下卦三爻之序也。四在上體之上。為心。五在上體之中。為膺。上在體之上。為口。此上卦三爻之序也。拇腓股隨體而動。應感者也。膺不能思。无感者也。輔頰舌以言為說。不足以感。人者也。皆不能盡乎感之道。唯四居心位。為感之主。似知感之義者。然无心者。固无所感。而有心中者。憧憧往來。亦不能以咸感。感之道其難哉。大傳曰。夫易无思也。无為也。寂然不動。感而遂通天下之

故必如是而後可
以言咸感之道


震巽
上 下

傳恒序卦夫婦之道不可以不久也故受之

以恒恒久也咸夫婦之道夫婦一有之終身

不一有變者也故咸之後受之以恒也咸少

男在少女之下以男下女是男女交感之義

恒長男在長女之上男尊女卑夫婦居室之

常道也論交感之情則少為親切論尊卑之

序則長當謹正故兌艮為咸而震巽為恒也

男在女上男動于外女順于內人理之常故

為恒也又剛上柔下雷風相與巽而動剛柔

相應皆恒之義也

程子曰咸恒體用也體用无先後○節齋蔡氏曰上

篇首乾坤言天地氣化之道下篇首咸恒言男女形化之道氣形之分雖有兩端究其所自則一原耳形化即氣化也使形化或息則氣化復作矣積土之草木聚水之蟲魚皆自然而生者也○孫氏曰咸以男下女以成其家既成其家不可以不正也猶君先下臣以成其國既成其國不可以不治也故恒以二長相與因見正家之道○隆山李氏曰易中諸卦大率皆以兩兩相從而合兩為一陰陽造化將无所寄其作用矣然以巽遇艮而陰老陽少則為蠱以兌遇震而陽老陰少則為歸妹不若咸少男少女之相匹陰陽之氣等而无差此其所以為

下經之首毀之

恒亨无咎利貞利有攸往

傳恒者常久也恒之道可以亨通恒而能亨乃无咎也恒而不可以亨非可恒之道也為有咎矣如君子之恒於善可恒之道也小人恒於惡失可恒之道也恒所以能亨由真正也故云利貞夫所謂恒謂可恒久之道非守一隅而不知變也故利於有往唯其有往故能恒也一定則不能常矣又常久之道何往不利

本義恒常久也為卦震剛在上巽柔在下震

雷巽風二物相與巽順震動為巽而動二體
六爻陰陽相應四者皆理之常故為恒其占
為能久於其道則亨而无咎然又必利於守

貞則乃為得所常久之道而利有所往也

中漢

張氏曰恒常久也恒字左旁從立心右旁從

一日乃立心如一日也男下女上男尊女卑

長男居外長女居內乃居室之恒故為恒也

恒而能久有亨之理亨則无咎而利於貞正

利有攸往也○進齋徐氏曰聞之師曰恒有

二義有不之恒有不之恒利貞者不易

之恒也利有攸往者不已之恒也合而言之

乃常道也倚於一偏則非道矣○雲峯胡氏

曰乾坤氣化之始故曰元亨利貞咸恒形化

之始故曰亨而不言元然咸亨不以正徒為

入欲之感恒亨不以正亦非天

理之常也故皆以利貞戒之

彖曰恒久也

傳恒者長久之義也

朱子曰恒是箇一條物事徹頭徹尾不是尋常

字古字作恆其說象一隻船兩頭靠岸可見徹頭徹尾

剛上而柔下雷風相與巽而動剛柔皆應恒

傳卦才有此四者成恒之義也剛上而柔下

謂乾之初上居於四坤之初

一作四

下居於初

剛爻上而柔爻下也二爻易處則成震巽震上巽下亦剛上而柔下也剛處上而柔居下乃恒道也雷風相與雷震則風發二者相須交助其勢故云相與乃其常也巽而動下巽

順上震動為以巽而動天地造化恒久不已

者順動而已巽而動常久之道也動而不順

豈能常也剛柔皆應恒一有一卦剛柔之交皆

相應剛柔相應理之常也此四者恒之道也

卦所以為恒也雙湖胡氏曰剛上柔下乾坤

卦體成而剛柔皆應矣此名卦所以有取於

恒也。兼山郭氏曰剛上柔下剛柔之交感之常

雷風相與二氣之常也剛柔相應交感之常

也。童溪王氏曰恒之六爻剛柔皆應自初

至上三剛三柔各居相應之地理之常也。中溪張氏曰不能體常者不可與盡變不能盡變者不可以體常天地所以能常久者以其能盡變也。經曰易窮則變變則通通則久。久而無弊者其變之謂乎。知柔上剛下者為變則知剛上柔下者為常矣。知震雷暴風為

變則知雷風相與為常矣

本義以卦體卦象卦德釋卦名義或以卦變

言剛上柔下之義曰恒自豐來剛上居二柔

下居初也亦通

雲峯胡氏曰咸以卦體卦德卦象釋卦辭恒亦疊是三者

僅以釋卦名義蓋咸之感者易知恒之所以為久者未易知也

恒亨无咎利貞久於其道也

傳

恒之道可致亨而无過咎但所恒宜得其

正失正則非可恒之道也故曰久於其道其

道可恒之正道也不恒其德與恒於不正皆

不能亨而有咎也

雲峯胡氏曰咸恒皆言利貞咸止而說即是貞恒巽

恒

恒

恒

二

三

而動動未必貞也故彖詳焉

天地之道恒久而不已也

傳

天地之所以不已蓋有恒久之道人能恒

於可恒之道則合天地之理也

本義

恒固能亨且无咎矣然必利於正乃為

久於其道不正則久非其道矣天地之道所

以長久亦以正而已矣

朱子曰正便能久天地之道恒久而不已

這箇只是說久○雙湖胡氏曰亨无咎者以其利在於貞也恒久之大者莫如天地天地

之道亦貞觀而已卦自乾坤交故以天地言也

利有攸往終則有始也

傳天下

地一作

之理未有不動而能恒者也動

則終而復始所以恒而不窮凡天地所生之

物雖山嶽之堅厚未有能不變者也故恒非

一定之謂也一定則不能恒矣唯隨時變易

乃常道也故云利有攸往明理之如是懼人

之泥於常也

或問易傳云恒非一定之謂一

常道也竊謂有不一定而隨時變易者有一

定而不可變易者朱子曰他政是論物理之

始終變易所以為恒而不窮處然所謂不易

者亦須有變通乃能不窮如君尊臣卑分固

不易然上下不交也不得父子固是親親然

所謂命士以上父子皆異宮則又有變焉准

其如此所以為恒論其體終是常然體之常

恒

周易傳義大全十二

二十一

後可恒久也。○雙湖胡氏曰：利有攸往者，以二體相仍終則有始也。巽終於三，有震陽以始之。震終於上，又有巽陰以始之。无間容息也。○雲峯胡氏曰：本義釋乾彖曰：始即元也。終則貞也。不終則无始，不貞則无以爲元。乾言天道之終始，此言人之於道其始終當如此。不貞无以爲元，不靜无以爲動。其爲始終循環之妙一也。

日月得天而能久照，四時變化而能久成。聖人久於其道而天下化成。觀其所恒而天地萬物之情可見矣。

傳此極言常理。日月陰陽之精一有二字氣耳。唯

其順天之道，往來盈縮，故能久照而不已。得天順天理也。四時陰陽之氣耳。往來變化生

成萬物亦以得天故常久不已聖人以常久之道行之有常而天下化之以成美俗也觀其所恒謂觀日月之久照四時之久成聖人之道所以能常久之理觀此則天地萬物之情理可見矣天地常久之道天下常久之理非知道者孰能識之

本義 極言恒久之道

朱子曰物各有箇情有箇人在此決定是有箇

羞惡惻隱是非辭讓之情性只是箇物事情却多般或起或滅然而頭面却只一般長長焦地這便是觀其所恒而天地萬物之情可見之義○誠齋楊氏曰天地能變故三百六十五度之推移終古而不息日月能變故或一月一周天或一歲一周天故其明不已四

時能變故溫涼者繼之以寒凜寒凜者繼之以
以得暑循環不已即是而推无非由變而恒
恒而變也○白雲郭氏曰彖言所以為恒者
四剛上而柔下雷風相與巽而動剛柔相應
是也又言恒之所以為道者二久於其道也
終則有始也久於其道雖天地亦如之終則
有始雖日月四時亦如之此
所以見天地萬物之情也

象曰雷風恒君子以立不易方

傳君子觀雷風相與成恒之象以常久其德

自立於大中常久之道不變易其方所也西漢

李氏曰雷風天下之至震動者衆人當雷風
震動之時必倉皇自失改其常度唯德至於
舜然後弗迷是舜能有常故履風雷震動之
時視如平日可見宵中之有常故君子於此
當立不易方若做箇事確爾如是初不因人
作輟也○建安丘氏曰巽入也而在內震出

恒

也而在外二物各居其位則謂之恒故君子
體之而立不易方方者理之所不可易者若
雷入而從風風出而從雷二物易位而相從
則謂之益矣故君子體之亦有遷改之義此
恒益二象之所以不同也○雲峯胡氏曰雷
風雖變而有不變者存體雷風之變者為我
之不變者善體雷風者也○童溪王氏曰大
學曰於止知其所止而其所止之目則曰為
人君止於仁為人臣止於敬為人子止於孝
為人父止於慈與人交止於信此不易之
地也君子立其身於此地則所謂有常之德也

初六浚恒貞凶无攸利

傳

初居下而四為正應柔暗之人能守常而

不能度勢四震體而陽性以剛居高志上而
不下又為二三所隔應初之志異乎常矣而

初乃求望之深是知常而不知變也浚深之也浚恒謂求恒之深也守常而不度勢求望於上之深堅固守此凶之道也泥常如此无所往而利矣世之責望故素而致悔咎一作吝者皆浚恒者也志既上求之深是不能恒安其處者也柔微而不恒安其處亦致凶之道凡卦之初終淺與深微與盛之地也在下而求深亦不知時矣

本義初與四為正應理之常也然初居下而在初未可以深有所求四震體而陽性上而

不下又為二三所隔應初之意異乎常矣初
之柔暗不能度勢又以陰居巽下為巽之主
其性務入故深以常理求之浚恒之象也占
者如此則雖貞亦凶而无所利矣或問浚恒
貞凶恐是
不安其常而深以常理求人之象朱子曰未
見有不其常之象只是欲深以常理求人
耳○雲峯胡氏曰此以時位言也本義無卦
德言震體性上而不下初為巽主其性務入
兩性字得其指矣二四相應固理之常時方
初也而深以常理入之雖貞亦凶矣○雙湖
胡氏曰恒初乃咸上之反兌澤反為巽入故
有浚恒象爻不正故戒以貞亦凶況於不貞
乎○漢上朱氏曰初居巽下以深入為恒上
居震極以震動為恒在始而求深在上而好
動皆凶道也初如秦皇漢武之類是也勞
其民之類上如秦皇漢武之類是也

象曰浚恒之凶始求深也

傳居恒之始一作常而求望於上之深是知常

而不知知一无字度勢之甚也所以凶陰暗不得

恒之宜也或問劉蕡程子曰浚恒之凶始求

以求伸也疎遜小臣一旦欲以新間舊難矣

○中溪張氏曰初以陰柔而居下相應之始

而求望於九四者太深是以凶也○進齋徐

氏曰大凡交際之道自有淺深交之深則可

求之深若交淺而遽

以深望之豈常理哉

九二悔亡

傳在恒之義居得其正則常道也九陽爻居

陰位非常理也處非其常本當有悔而九二

恒

以中德而應於五五復居中以中而應中其
處與動皆得中也是能恒久於中也能恒久

久一无字

於中則不失正矣中重於正中則正矣

正不必中也九二以剛中之德而應於中德
之勝也足以亡其悔矣人能識重輕之勢則

可以言易矣

或問伊川云中无不正正未必中如何朱子曰如君子而時中

則是中无不正若君子有時乎不中即正未必中蓋正是骨子好了而所作事未有恰好
處故未必中也又曰中重於正正不必中一
件物事自以為正却有中在且如飢渴飲
食是正若過些子便非中節中節處
乃中也責善正也父子之間不責善

本義

以陽居陰本當有悔以其久中故得亡

也中溪張氏曰二以陽而居陰非恒也虞非

中道守而不變其悔乃亡○雲峯胡氏曰咸

恒六爻非不相應得者不過悔亡而已咸九

四曰貞吉悔亡九居四非貞也故必貞然後

悔亡恒九二亦非貞也但曰悔亡而不勉以

貞何也咸九四不正又不中恒九二不正而

得中是為久於中者也所謂中重於正者此

也○沙隨程氏曰大壯九二解初六及

本爻皆不著其所以然蓋以爻明之也

象曰九二悔亡能久中也

傳所以得悔亡者由其能恒久於中也人能

恒久於中豈止亡其悔德之善也張子曰以

以為常不能无悔以其久中故免○臨川吳

氏曰有悔而悔亡者以能常久於中而不過

於剛也○白雲郭氏曰可久之道无他中焉

而已矣過猶不及皆非可久之道○雲峯胡氏

曰九二提出能久中三字諸爻不中故不久皆可見也

九三不恒其德或承之羞貞吝

傳

三陽爻居陽位處得其位是其常處也乃

志從於上不唯陰陽相應風復從雷於恒處而不處不恒之人也其德不恒則羞辱或承之矣或承之謂有時而至也貞吝固守不恒以為恒豈不可羞吝乎

本義

位雖得正然過剛不中志從於上不能

久於其所故為不恒其德或承之羞之象或者不知其何人之辭承奉也言人皆得奉而

進之不知其所自来也貞吝者正而不恒為

可羞吝申戒占者之辭

朱子曰承如承奉之承如人送羞辱與之

也○蕪山郭氏曰九三剛已過中而巽為不果進退无常不恒其德者也○中溪張氏曰

三以剛躁而處雷風之交德之不恒者也不恒其德則或承受其羞辱矣雖貞亦吝○雲

峯胡氏曰九二得中故悔亡九三不中故羞且吝蓋在恒之時二為久於中三不中則不

能久也○厚齋馮氏曰巽為進退不果九二與九三同也然九二以剛處柔兩位得中是

以悔亡九三過剛而不中其究為躁卦是以不恒其德也六五體震而以柔處尊位而得

中故為恒其德象意甚明

象曰不恒其德无所容也

傳

人既无恒何所容處當處之地既不能恒

處非其據豈能恒哉是不恒之人无所容處

其身也

東谷鄭氏曰三過剛而純乎剛既不常其德又以其剛介於二剛之間進

退无所容於人也○中溪張氏曰无常之人孔子謂不可為巫醫况其他乎宜其无所容

身於天地間也

九四田无禽

傳以陽居陰處非其位處非其所雖常何益

人之所為得其道則久而成功不得其道則

雖久何益故以田為喻言九之居四雖使恒

久如田獵而无禽獸之獲謂徒用力而无功

也

本義以陽居陰久非其位故為此象占者田

无所獲而凡事亦不得其所以求也節齋蔡氏曰四為震

體而處位不中好變者也以好變之心應浚

恒之初必不能相有也故曰无禽○雲峯胡氏曰本義謂九四以陽居陰久非其位然九

二亦陽居陰而曰悔亡者唯中則可常九二

中九四不中故也師之六五曰田有禽五柔

中兩所應者剛剛實故曰有禽恒之四以剛

居不中兩所應者柔柔虛故曰无禽

象曰久非其位安得禽也

傳處非其位雖久何所得乎以田為喻故云

安得禽也臨川吳氏曰非其位謂居柔丈夫

能得禽哉○厚齋馮氏曰久非其位處不當

恒

周易傳義卷六

三十一

中之辨也

六五恒其德貞婦人吉夫子凶

傳五應於二以陰柔而應陽剛居中而所應

又中陰柔之正也故恒久其德則為貞也則

字在其上夫以順從為恒者婦人之道在婦人

則為貞故吉若丈夫而以順從於人為恒則

失其剛陽之正乃凶也五君位而不以君道

言者如六五之義在丈夫猶凶况一作人君

之道乎在它卦六居君位而應剛未為失也

在恒故不可耳君道豈可以柔順為恒也

本義以柔中而應剛中常久不易正而固矣

然乃婦人之道非夫子之宜也故其象占如

此或問恒其德貞婦人吉夫子凶德指六謂

夫子之義蓋婦人從一而終以順為正夫子

則制義者也若從婦道則凶朱子曰固是如

此然須看得象占分明六五有恒其德貞之

象占者若婦人則吉夫子則凶大抵看易須

是曉得象占分明所謂吉凶者非爻之能吉

凶爻有此象而占者視其德而有吉凶耳且

如此爻不是既為婦人又為夫子只是有恒

恒



周易傳義大全卷十二

三十二

恒卦固能亨而無咎然必占者能久於其道

方能亨而無咎又如九三不恒其德非是九三

能亦吝若占者能恒其德則无羞吝○童溪

王氏曰恒其德與不恒其德反九三之剛太

過而六五以柔居中故也○雙湖胡氏曰六

五不正故戒之曰若以柔為貞則婦人吉而
夫子凶矣蓋柔非夫子所宜也必陽剛之貞
乃可以反於吉耳○建安丘氏曰二以陽居
陰五以陰居陽皆位不當而得中者也在二
則悔亡而五有夫子凶之戒者蓋二以剛中
為常而五以柔中為常也以剛震常能常者
也其悔可亡以柔為常則是以剛震常能常者
子所尚此六五所以有從婦之凶恒九四之
才與二同而位異故四之久不如二之久六
五之位與二同而才異故五之柔中不如二
二之剛中也是以爻辭於四言无禽於五言
夫子凶而於二獨稱悔亡○雲峯胡氏曰
六五中矣然剛而中可恒也柔而中婦人之
常非夫子之所當常也又曰咸其腓戒二之
動也五咸其脢不動矣而又曰咸其腓戒二之
羞戒三之不恒也五恒其德貞矣而執一
不通故二爻皆无取焉易
貴於知時識變固如此哉

象曰婦人貞吉從一而終也夫子制義從婦凶

也

傳如五之從二在婦人則為正而吉婦人以

從為正以順為德當終守於從一夫子則以

義制者也從婦人之道則為凶也無山郭氏曰柔而在

中位有餘而才不足稱也婦人吉夫子凶何也婦人從一而終可也夫子制義從婦之義

可乎是以伯夷聖之清孟子謂之隘伯姬守禮而不去孔子取其恭於此可見也

上六振恒凶

傳六居恒之極在震之終恒極則不常震終

則動極以陰居上非其安處又陰柔不能堅

固其守皆不常之義也故為振恒以振為恒

恒

周易傳義卷之三
三十一

也振者動之速也如振衣如振書抖擻運動之意在上而其動无節以此為恒其凶宜矣

本義振者動之速也上六居恒之極處震之

終恒極則不常震終則過動又陰柔不能固守居上非其所安故有振恒之象而其占則

凶也雲峯胡氏曰本義謂恒極則不常以一

陰柔不能固守居上非其所安以上卦之極言

言必合此四者而後振恒之象備矣咸不宜

動恒亦以動之速為凶咸卦六爻吉凶悔吝

象曰振恒在上大无功也

傳居上之道必有恒德乃能有功若躁動不

常豈能有所成乎居上而不恒其凶甚矣象

又言其不能有所成立故曰大无功也楊氏曰在

下以入為常浚恒也在上以動為常振恒也

在下而求浚非也在上而求振亦非也上六

之振恒宜乎其无功也○中溪張氏曰上六

居恒終震極之位而以震動為恒豈特凶而

已矣而且大无功也天下本无事庸人自擾

之是之謂矣○節齋蔡氏曰恒常也一體而

舍二義蓋將自其不易者而觀之則窮天地

亘古今而不可變也自其不已者而觀之則

寒暑晝夜而其變未嘗已也故知不易者則

拘常知不已者則履常皆不得恒之正也初

柔拘常而過求乎常故凶上柔居終三四位

不正皆偏乎不已者也或履常或亂常故凶

且吝唯二五居中幾於得恒之正者然五位

雖剛而爻柔故不能制義而凶二爻雖剛而

恒

位柔僅能久中无悔而皆非有得乎恒之正
 也語恒之正其唯彖乎○建安丘氏曰恒中
 道也中則能恒不中則不恒矣恒卦六爻无
 上下相應之義唯以二體而取中焉則恒之
 義見矣初在下體之下四在上體之下皆未
 及乎恒者故泥常而不知變是以初浚恒四
 田无禽也三在下體之上上在上體之上皆
 已過乎恒者故好變而不知常是以三不恒
 而上振恒也唯二五得上下體之中似知恒
 之義者而五位剛爻柔以柔中為恒故不能
 制義而但為婦人之吉二位柔爻剛以剛中
 為恒而居位不當亦不能盡守常之義故特
 言悔亡而已恒之道豈易言哉○隆山李氏
 曰咸恒二卦其象甚善而六爻之義鮮有全
 吉者蓋以爻而配六位則陰陽得失承乘
 逆順之理又各不同故也



乾上

傳

遜序卦恒者久也物不可以久居其所故

受之以遯遯者退也夫久則有去相須之理也遯所以繼恒也遯退也避也去之之謂也為卦天下有山天在上之物陽性上進山高起之物形雖高起體乃止物有上陵之象而止不進天乃上進而去之下陵而上去是相違遯故為遯去之義二陰生於下陰長將盛陽消而退小人漸盛君子退而避之一作避而去之故為遯也

遯亨小利貞

傳

遯者陰長陽消君子遯藏之時也君子退

遯



藏以伸其道道不屈則為亨故遯所以有亨
也在事亦有由遯避而亨者雖小人道長之
時君子知幾退避固善也然事有不齊與時
消息无必同也陰柔方長而未至於甚盛君
子尚有遲遲致力之道不可大貞而尚利小

貞也

白雲郭氏曰二陰侵長不利君子進則否而遯則亨也○李氏曰遯亨雖遯也

乃所以亨也

○單氏曰三陰進而未至於否猶可小

不利君子貞

二陰方進而未至於否猶可小

利貞也

○中溪張氏曰遯字從豚從走埤雅

曰豚微物而道逸蓋遯取豚之遁逸也遯退

也陰進陽退此君子見幾而作之時也然身

之窮乃道之亨也

自遯二而上更進一陰則

不利君子貞无復

小利貞之望矣

本義 遯退避也為卦二陰浸長陽當退避故

為遯六月之卦也陽雖當遯然九五當位而

下有六二之應若猶可以有為但二陰浸長

於下則其勢不可以不遯故其占為君子能

遯則身雖退而道亨小人則利於守正不可

以浸長之故而遂侵迫於陽也小謂陰柔小

人也此卦之占與否之初二兩爻相類或問

利貞本義謂小人也按易中小字未有以為

小入者如小利有攸往與小貞吉之類皆大

小之小耳未知此義如何朱子曰經文固无

此例然以彖傳推之則是皆小人兩言今當

且依經而存傳耳○建安丘氏曰遯亨為君

子言也告君子使去不去則見害於小人矣

安得亨小利貞為小人言也勉小人亦有所不
入而不守正則凌迫乎君子雖已亦有所不
利也卦辭止五字聖人雖為君子謀亦未嘗
不為小人謀也○雲峯胡氏曰復臨泰壯夫
卦名皆主陽而言姤遯否觀剝主陰而言可
也然謂之姤者陽之勢上盛而陰得遇之也
謂之遯者陰之勢長而陽當避之也聖人
於陰卦主陽而言其愛君子之意可見矣復
臨泰皆曰亨陽之亨也遯亨疑若主陰之亨
而不言然其下曰小利貞為小人計也則遯亨
為君子言也君子以靜正為
利本義於臨卦謂二陽浸長以迫於陰於遯
曰小人不以浸長之故而遂侵迫於陽然
則陽浸長而逼陰可也陰浸長而逼陽不可
也陰陽之大分明矣本義又曰此卦之占與
否初二兩爻相類蓋否初惡未形故戒以貞
遯二陰猶未成否也故戒以利貞誠恐小者
於此不知利貞遂至於否則不利君子貞也
臨遯之對曰利貞大壯遯之反曰利貞皆為
君子謀也遯亦曰利貞者其猶冀小人可化

而為君子乎

彖曰遯亨遯而亨也

傳 小人道長之時君子遯退乃其道之亨也

君子遯藏所以伸道也此言處遯之道自剛

當位而應以下則論時與卦才尚有可為之

理也中漢張氏曰遯本无亨義蓋以小人道長之時君子身雖退而道未嘗不亨

也故卦止曰遯亨彖則曰遯而亨也加一而字其義明矣

剛當位而應與時行也

傳 雖遯之時君子處之未有必遯之義五以

剛陽之德處中正之位又下與六二以中正

相應雖陰長之時如卦之才尚當隨時消息

苟可以致其力无不至誠自盡以扶持其道

未必於遯一作藏而不為故曰與時行也中

張氏曰剛當位而應者以九居五而應乎二也二陰在下長而未驟四陽居上盛而未衰

尚可與時消息以行其道未可專諉於遯藏而退避不為也

本義以九五爻釋亨義或問遯亨遯而亨

便亨下面更說剛當位而應與時行也是如

何朱子曰此所以遯而亨也陰方微為他剛

當位而應所以能知時而遯是能與時行不

然便是與時背也○蘭氏廷瑞曰九五陽剛當位反應六二與時之義也○臨川吳氏曰

彖辭遯亨為四陽言也彖傳專言九五者九

五四陽之統得慶遯之宜有致亨之道也○

隆山李氏曰陰陽寒暑之運各有時方陰道

長盛乃小人得勢之時君子要須隱忍遜避
以待天定終以必勝不然不勝其忿盡力以
抗之是不知天時必取凶敗猶漢元成之時
弘恭石顯得勢於內而蕭望之劉向朱雲之
徒不遜其跡以避終以禍拒靈之降曹節
王甫得志於內而李膺陳蕃竇武之徒不遜
其跡以避終被誅戮此遜之時剛
當位兩應者蓋所以隨時用權也

小利貞浸而長也
長丁丈反

本義以下二陰釋小利貞
或問小利貞浸而

故設戒令其貞正且以寬君子之患然亦是
他之福朱子曰是如以此與否初二爻相似
○問小利貞以彖辭小利貞浸而長也之語
觀之則小當為陰柔之小人如小往大來小
過小畜之小言君子能遜則亨小人則利於
守正不可以浸長之故而侵迫於陽也此與
程傳遜者陰之始長君子知微故當深戒而
聖人之意未便遽已故有與時行小利貞之

遜

教之意不同曰若如程傳所言則於剛當位而應與時行也之下當云止而健陰進而長故小利貞今但言小利貞浸而長也而不言陰進而長則小指陰小之小可知况當遷去之時事勢已有不容正之者程說雖善而有不通矣○臨川吳氏曰小者利於貞以其浸而長以消陽也於斯時也君子利於貞以不遷乎○中溪張氏曰陰柔之道利於守貞不可浸以浸長之勢而侵迫乎陽剛浸長者如水之浸物以漸而長也况二陽為剛浸而長者蓋剛之長者臨之反對也臨之彖曰浸而長者蓋剛之彖不曰柔浸而長而止曰浸而長者蓋剛之彖可言也彖之長不可言也

遯之時義大矣哉

傳

當陰長之時不可大貞而尚小利貞者蓋陰長必以浸漸未能遽盛君子尚可小貞其

道所謂小利貞扶持使未遂亡也遯者陰之
始長君子知微故當深戒而聖人之意未便
使一作遽已也故有與時行小利貞之教聖賢
之於天下雖知道之將廢豈肯坐視其亂而
不救必區區致力於未極之間強此之衰艱
彼之進圖其暫安苟得為之孔孟之所屑為
也王允謝安之於漢晉是也若有可變之道
可亨之理更不假言也此處遯時之道也故
聖人贊其時義大矣哉或久或速其義皆大
也

朱子曰伊川說小利貞云尚可以有為陰
已浸長如何可以有為所說王允謝安之

於漢晉恐也不然先是箕殺了董卓謝安是
乘桓溫之老病皆是他衰微時節不是浸長
之時也無他是大臣亦如何去此為在下位
有為之兆者則可以去大臣任國安危君在
與在君亡與
亡如何去

本義陰方浸長處之為難故其時義為尤大

也雙湖胡氏曰遯以二陰之長成卦以四陽
之遯得名易為君子謀名卦必以陽為主
如是則時義之大亦以陽之能遯為大也○
雲峯胡氏曰遯與旅之時皆非順境也故本
義皆曰處之為難時在天義在我
觀君子所處可以知其義之大也

象曰天下有山遯君子以遠小人惡而嚴遠

萬反

傳天下有山山下一作起而乃止天上進而

相違是遯避之象也君子觀其象以避遠乎
小人遠小人之道若以惡聲厲色適足以致
其怨忿唯在乎矜莊威嚴使知敬畏則自然
遠矣

本義

天體无窮山高有限遯之象也嚴者君

子自守之常而小人自不能近

或問遯字雖是逃隱大抵

亦取遠去之意天上山下相去勢甚遠絕象之以君子遠小人則君子如天小人如山相絕之義須是如此方得所以六爻在上而漸遠者愈善也朱子曰德地推亦好○童溪王氏曰遯之象有取於天下有山云者天非有心而與山較高下也兩山之於天自不可侵不可及之勢焉故為遯之象與山勢本遠人也亦然○中溪張氏曰天之與山勢本遠

遯

絕自下觀之山之巔即天也及登山之巔以
 觀天而天愈高愈遠愈不可及矣此遜之象
 也君子善於遜故以遠小人為事使之自
 不可近不待惡聲之至而凜乎有不可犯之
 嚴則小人自遠矣不惡而嚴即不怒而威也
 遠小人亦敬小人之遠之之意遠小人艮止
 之象不惡而嚴乾剛之象○雲峯胡氏曰天
 之窮也非以遠山山自絕於天君子之嚴也
 非以絕小人小
 人自絕於君子

初六遜尾厲勿用有攸往

傳

他卦以下為初遜者往遜也在前者先進

故初乃為尾尾在後之物也遜而在後不及
 者也是以危也初以柔處微既已後矣不可
 往也往則危矣微者易於晦藏往既有危不

若不往之无灾也

本義 遯而在後尾之象危之道也占者不可

以有吓往但晦處靜俟可免灾耳或問遯尾

儆往者言不可有所往但當晦處靜俟耳此

意如何朱子曰程傳作不可往謂不可去也

言遯已後矣不可往往則危往既危不若不

往之為无灾某切以為不然遯而後尾也

既已危矣豈可更不往乎若作占辭看尤分

明又曰遯尾厲到這時節去不迭了所以危

厲不可有所往只得看他如何賢人君子有

這般底多○節齋蔡氏曰遯剛退也以柔居

下見剛者遯亦從而遯凡從物者必居後故

曰尾不當遯而遯故厲勿用有攸往以其質

象曰遯尾之厲不往何灾也

遯



傳見幾先遯固為善也遯而為尾危之道也
往既有危不若不往而晦藏可免於灾處微
故也古人處微下隱亂世而不去者多矣

六二執之用黄牛之革莫之勝說

勝音升說傳如字本義吐

反詰

傳二與五為正應雖在相違遯之時二以中

正順應於五五以中正親合於二其交自固
黃中色牛順物革堅固之物二五以中正順
道相與其固如執係之以牛革也莫之勝說
謂其交之固不可勝言也在遯之時故極言

之

本義以中順自守人莫能解必遯之志也占

者固守亦當如是朱子曰此言象而占在其

山吳氏曰六二居大臣之位任國家之責不當遯者也故六二不言遯○雲峯胡氏曰五

在上得中二以中順固結之有黃牛之革之象莫之勝說喜二之從五者固也○雙湖胡

氏曰遯以二陰之長成卦而以四陽之遯得名故初遯則厲二不言遯三四五上皆言遯

豈非以陰爻无取於遯之義歟

象曰執用黃牛固志也

傳上下以中順之道相固結其心志甚一作其

堅如執之以牛革也

遯

九三係遯有疾厲畜臣妾吉

畜許
六反

傳

陽志說陰三與二切比係乎二者也遯貴

速而遠有所係累則安能速且遠也害於遯
矣故為有疾也遯而不速是以危也臣妾小
人女子懷恩而不知義親愛之則忠其上係
戀之私恩懷小人女子之道也故以畜養臣
妾則得其心為吉也然君子之待小人亦不
如是也三與二非正應以睽比相親非待君
子之道若以正則雖係不得為有疾蜀先主
之不忍棄士民是也雖危為无咎矣

或問伊
川曰係

戀之私恩懷小人女子之道也故以畜養臣
妾則得其心為吉也小人女子近之則不遜
遠之則怨若專以私恩懷之未必不有悔吝
而此爻以為吉何耶朱子曰此爻不可大事
但可畜臣妾耳御下而有以懷之未為失正
但恐所以懷之者失其正耳○問傳言待臣
妾之道君子之待小人亦不如是如何曰君
子小人便不可相對更不可與相接若臣妾
是終日在自家腳手頭善
无以係之則望望然去矣

本義

下比二陰當遯而有所係之象有疾而

危之道也然以畜臣妾則吉蓋君子之於小

人惟臣妾則不必其賢而可畜耳故其占如

此

進齋徐氏曰係戀也比乎二陰宜遯而係

故曰係遯遯之為義宜遠小人以陽附陰

有所係戀不能遠害故有疾柔將剝剛故有

危臣妾謂二陰三之係遯以畜臣妾則吉施

遯

於大事則不可也。○中溪張氏曰：艮為閭寺，臣妾之象。○厚齋馮氏曰：乾三陽，所以得遯，而遯二陰之長者，以有九三以止之也。今九三為二陰所拘，係而不得脫，將為陰柔所薄，而元氣危矣。能如人主之畜臣妾，柔而服之，使二陰止於內而不往，乃吉道也。作易者以陰陽消長之會，寄之九三，憂之治之，其所以為君子慮者，不其周乎。○節初齊氏曰：剥五天子也，故稱宮人寵遯三諸侯也，故稱畜臣妾大槩待小人之道當如此耳，故彼无咎而吉此。

象曰：係遯之厲，有疾憊也。畜臣妾吉，不可大事也。

傳 遯而有係累，必以困憊致危。其有疾乃憊也。蓋力亦不足矣。以此睭愛之心畜養臣妾。

則吉豈可以當大事乎

厚齋馮氏曰憊困也解厲字○中溪張氏

曰二陰浸長於下以勢觀之九三不可以不
避當避而係故有疾而厲至於憊乏也為九
三者惟當以剛自守止在下之二陰而畜之
以臣妾之道然後獲吉又豈可當大事乎况
遇為二陰之卦浸長不已九三一變
而為六三則遇其否矣可不謹哉

九四好遯君子吉小人否

好呼報反否傳音鄙本義方有反

傳

四與初為正應是所好愛者也君子雖有

所好愛義苟當遯則去而不疑所謂克己復
禮以道制欲是以吉也小人則不能以義處
睽於所好牽於所私至於陷辱其身而不能
已故在小人則否也否不善也四乾體能剛

斷者聖人以其處陰而有係故設小人之戒
恐其失於正也

本義

下應初六而乾體剛健有所好而能絕

之以遯之象也惟自克之君子能之而小人

不能故占者君子則吉而小人否也

厚齋馮氏曰有

情好而遯以義制欲而必去之象○中溪張

氏曰九四與初六為正應是四與初有交好

也故曰好遯君子雖其心有所好義之當遯

則必剛絕其私愛勇退而不顧所以吉也小

人溺於私好則不能遯故否也○雲峯胡氏

曰三比陰四應陰本義於三則曰遯而有所

係於四曰有所好而絕之以遯何也皆因下

文而言也係遯之下曰有疾厲為其有所係

故陽將為陰所係而元氣危也好遯之下曰

君子吉有所好而能絕之以遯惟剛健自克

之君子能之小人不能也然九剛可為君子
四柔亦能為小人在其所處何如耳故設小
人之戒

象曰君子好遯小人否也

傳君子雖有好而能遯不失於義小人則不

能勝其私意而至於不善也侯氏曰君子剛斷故能捨之小

人係戀必不能也

九五嘉遯貞吉

傳九五中正遯之嘉義者也處得中正之道

時止時行乃所謂嘉義也故為真正而吉九
五非无係應然與二皆以中正自處是其心

志及乎動止莫非中正而无私係之失所以
為嘉也在彖則繫言遯時故云與時行小利
貞尚有濟遯之意於爻至五遯將極矣故唯
以中正處遯言之遯一無非人君之事故不
主君位言然人君之所避遠乃遯也亦在中
正而已

本義剛陽中正下應六二亦柔順而中正遯

之嘉義者也占者如是而正則吉矣

或問九

以陽剛中正漸向遯極故為嘉義未是極處
故戒以貞正則吉朱子曰是如此便是剛當
位而應處是去得恰好時節小人亦未嫌自
家只是自家合去莫見小人嫌却與相接

而不去便是不好所以戒約他真正始得○
漢上朱氏曰剛中處外可行則行不復而往
不柔而應不安於疾憊不係於情好趣之至
美也○趙氏善譽曰九五當位雖與二應而
與時偕行當趣則趣不必專於應也豈非趣
之嘉美者與○雲峯胡氏曰非正應而相昵
曰係以中正而相應曰嘉隨九五孚于嘉蓋
因六三之係而見也然則此之嘉趣亦因三
之係而
見與

象曰嘉趣貞吉以正志也

傳志正則動必由正所以為趣之嘉也居中

得正而應中正是其志正也所以為吉人之

趣也止也唯在正其志而已矣白雲郭氏曰以正志者九

五嘉趣隨而不流无係也无執也无好也不
事於外正其在我之志而已此其所以為嘉

也。○雲峯胡氏曰：二以陰應陽，其志當堅五以陽從陰，其志當正。

上九肥遯，无不利。

傳：肥者，充大寬裕之意。遯者，唯飄然遠逝，无所係滯之為善。上九乾體剛斷，在卦之外矣。又下无所係，是遯之遠而无累，可謂寬綽有餘裕也。遯者窮困之時也，善處則為肥矣。其遯如此，何所不利？

本義：以剛陽居卦外下，无係應，遯之遠而處之裕者也。故其象占如此。肥者，寬裕自得之

意。

節齋蔡氏曰：遯者，陽避陰。君子所以遠小人，貴速不貴遲。貴遠不貴近。上九去柔最

象曰肥遯无不利无所疑也

遠高而无應剛而能決遯之速者也故无不
利○開封耿氏曰陽道常饒其或損者陰剥
之也本爻超然處外不累於陰无有疾厲故
稱肥馬○王氏湘卿曰遯以最深為美故四
之好不如五之嘉五之嘉不如上之肥○雲
峯胡氏曰三且遯且係依違牽制非遯而亨
者也遯而亨其惟乾之三爻乎乾為天與山
絕遠故皆得於遯非特剛健之力亦其界限
素嚴故能飄然遠逝而无礙上以陽居卦外
尤其寬裕自得者三與二非應而係故疾憊
上與二陰无應无係故
肥者疾憊之反也

傳其遯之遠无所疑滯也蓋在外則已遠无

應則无累故為剛決无疑也

雲峯胡氏曰三有所係則疾上

无所疑故肥○誠齋楊氏曰上九以剛健之
極居遯世无位之地遯之首者也自非道德

之豐腴仁義之膏澤安能去之无不利決之
无所疑乎○中溪張氏曰非心廣體胖剛而
善斷者不能決然遯去而无所疑也○平庵
項氏曰下三爻艮也主於止故為不往為執
革為係遯上三爻乾也主於行故為好遯為
嘉遯為肥遯也○建安丘氏曰遯剛退也二
陰長而四陽退也而六二乃遯之所以為莫
者故此爻不言遯而曰執之乃遯之用黃牛之革莫
之勝說蓋恐其迫陽之遯也遯貴速而遠緩
則不能去矣其上四剛爻三與二最近係而
不能遯故曰係遯有疾厲四遠二而應初則
為好遯而有小人之戒五得中而應二則為
嘉遯而有貞吉之戒以皆有累於陰也至上
則取二遠且无應於內遯之從容優裕者故
曰肥遯无不利惟初與二同體位在
衆陽之後則又以不遯為无災也

周易傳義大全卷之十二

周易傳義大全卷之十三



震上
乾下

傳大壯序卦遯者退也物不可以終遯故受

之以大壯遯為違去之義壯為進盛之義遯

者陰長而陽遯也大壯陽之壯盛也衰則必

盛消息

一作長

相須故既遯則必壯大壯所以

次遯也為卦震上乾下乾剛而震動以剛而

動大壯之義也剛陽大也陽長已過中矣大

者壯盛也又雷之威震而在天上亦大壯之

義也

漢上朱氏曰陽動於復長於臨交于泰至四而後壯泰不言壯者陰陽敵也猶

大壯

人之血氣方剛故曰大壯○雲峯胡氏曰三畫卦初為少二為壯三為究六畫卦初二為少三四為壯泰不言者陰陽敵也以四陽上升而動於外乃謂之壯如大畜大過皆四陽故謂之大○楊氏曰姤者女之壯也大壯者陽之壯也陰陽之理迭為羸壯彼羸則此壯彼壯則此羸女而壯者非女之所宜陽而壯者則為陽之常理大壯之時三陽過於泰矣○陰而當四陽之進則陽者壯而陰者羸矣庸齋趙氏曰四陽在下而進至上卦矣乾健上升而震動于外其壯孰大於此

大壯利貞

傳大壯之道利於真正也大壯而不得其正強猛之為耳非君子之道壯盛也

本義大謂陽也四陽盛長故為大壯二月之

卦也陽壯則占者吉亨不假言但利在正固

而已

建安丘氏曰遯小利貞小者利於貞也指二陰言大壯利貞大者利於貞也指

四陽言陰之進不正則君子不能勝小人得以陵君子陽

之進不正則君子不能勝小人得以陵君子陽

之意也○中溪張氏曰大者陽也壯者強盛也六爻之卦三陰三陽則小大均等至於四

陽浸長則大壯於小故名大壯○然大壯之道利於貞正不得其正又奚利哉○雙湖胡氏

曰四陽爻初三正二四不正而云利貞者戒之也而成卦之主又重在九四一爻然則戒

四尤切也○四雖不正聖人方喜其震動得時故但戒之○雲峯胡氏曰復臨泰陽長於內

皆言亨大壯陽自內而達於外亨不待言利貞自一陽至於四陽而動而進正也亦不可

以剛動而進遂失其正也觀四陰不取小者之壯而以二陽在上為觀大壯則以四陽為

大壯

彖曰大壯大者壯也剛以動故壯

傳所以名大壯者謂大者壯也陰為小陽為大陽長以盛是大者壯也下剛而上動以乾之至剛而動故為大壯為大者壯與壯之大也

本義釋卦名義以卦體言則陽長過中大者壯也以卦德言則乾剛震動所以壯也

曰大壯者陽壯也內卦乾不變外卦本坤乾一索於坤而得震乾剛而震動所以壯也

大壯利貞大者正也正大而天地之情可見矣

傳大者既壯則利於貞正正而大者道也極

正大之理則天地之情可見矣天地之道常久而不已者至大至正也正大之理學者默識心通可也不云大正而云正大恐疑為一事也

本義

釋利貞之義而極言之

朱子曰大壯利貞是利於正也

所以大者以其正也既正且大則天地之情不過於正大○問大者正與正大不同上大者正字指陽下正大是說理曰然亦緣上面有正大便見得天地之情○問如何見天地之情曰正大者正以理言也○進齋徐氏曰大者壯以氣言也乃壯之本體也而大者正則所以用壯之道也正大而天地之情可見則又推極其理而

情也。孔子贊彖，非獨大壯如咸、恒、萃，皆曰：『天地萬物之情，可見。』豈非因諸卦利貞之象而論天地之至情者乎？○建安丘氏曰：『心動物也。情則心之動，而見於外者也。復震下坤上，靜中有動，故曰：『見天地之心。』大壯乾下震上，動已發於外，故曰：『見天地之情。』此以動有內外，而為心情之別也。○中溪張氏曰：『復雷在地中，則天地生物之機伏，而未露。聖人有以見其心大壯，雷在天上，則天地生物之心已達於外。聖人有以見其情也。○雲峯胡氏曰：『心未易見，故疑其辯曰：『復其見天地之心乎？』情則可見矣。故直書之：『人能情，天地之情動。』孰非禮入能心，天地之心動之端，孰非仁愚嘗謂孟子養氣之論，自此而出。大者壯也，剛以動，即是其為氣也。至大至剛，大者正也，即是其為氣也。以直養而無害。

象曰：雷在天上，大壯。君子以非禮弗履。

傳：雷震於天上，大壯也。君子觀大壯之象。

以行其壯君子之大壯者莫若克已復禮古
人云自勝之謂強中庸於和而不流中立而
不倚皆曰強哉矯赴湯火蹈白刃武夫之勇
可能也至於克已復禮則非君子之大壯不
可能也故云君子以非禮弗履

本義

自勝者強

或問伊川以為自勝者強非

中庸四說強哉矯以為證其義是如朱
子曰固是雷在天上是甚生威嚴人之克已
能如雷在天上下則威嚴果決以去其惡而必
為善若半上落則不濟事何以去其惡而必
是如雷在天上下則威嚴果決以去其惡而必
曰雷之威本震而在天上乃雷聲之壯盛者
也君子有浩然之氣剛大以直其動以天然
後能非禮弗履苟非禮而履則猶雷非時而

震又何足以為君子之大壯哉○建安丘氏
曰非禮勿履者復之事也至大壯則動皆天
理无待於勿故君子以非禮弗履勿者禁止
之辭弗者則自不為矣○臨川吳氏曰君子
之非禮弗履唯剛健以動者能之禮者天之
理而其用卑下乾在下之象也履者足之所
踐如雷行所過震在上之象也○雲峯胡氏
曰勝人者血氣之強自勝者義理之強也

初九壯于趾征凶有孚

傳初陽剛乾體而處下壯于進者也

在下而用壯壯于趾也趾在下而進動之物九在下
用壯而不得其中夫以剛處壯雖居上猶不
可行況在下乎故征則其凶有孚孚信也謂
以壯往則得凶可必也

本義 趾在下而進動之物也剛陽處下而當

壯時壯于進者也故有此象居下而壯于進

其凶必矣故其占又如此進齋徐氏曰趾在前

未可進也趾進則進犯于剛而其凶必矣○

縉雲馮氏曰人行趾先動古人之始事必躊躇進退孫以出之期於成事今壯于趾是始

事而用壯進銳如此何為不凶○蘭氏廷瑞

曰壯之初九與夫之初九一也或為趾或為

前趾何也初九與夫五陽已盛將決一陰初九前

往而不遇故謂之前趾而戒之以往不勝

為咎大壯則四陽雖壯而二陰未全消未可

即往故謂之趾而直繼之以征凶有孚也○

雲峯胡氏曰賁初亦以趾取象本義曰剛德

明體自賁於下此不取其剛德健德何也亦

唯其時而已賁飾也賁之時而在下自飾其

所以行可也壯之時而在下欲進而必行不

可也易有變例壯初與三以陽居陽正也而

大壯

周易傳義大全卷十三

五

居象傳義有象下三
三
一
日凶曰厲當剛壯之時不可過於剛况剛居
下而欲壯于進不特曰凶而曰有孚言其凶
之可必也

象曰壯于趾其孚窮也

傳在最下而用壯以行可必信其窮困而凶
也

本義言必窮困

中溪張氏曰其孚窮者蓋
征則有必然困窮之理也

九二貞吉

傳二雖以陽剛當大壯之時然居柔而處中
是剛柔得中不過於壯得真正而吉也或曰
貞非以九居二為戒乎曰易取所勝為義以

陽剛健體當大壯之時處得中道无不正也
在四則有不正之戒人能識時義之輕重則
可以學易矣

本義

以陽居陰已不得其正矣然所處得中

則猶可因以不失其正故戒占者使因中以

求正然後可以得吉也

雙湖胡氏曰九二不正而云貞吉者戒之

以正則吉也若匪正則有凶矣○劉氏曰二之應五以陽剛承柔用剛得中乃能貞吉四

剛不中故必貞吉而後悔亡○白雲郭氏曰卦辭言利貞指九二也然九二以剛而居下

體之中未能究天德之用故但曰貞吉而已若九二者蓋非禮弗履之士也○雲峯胡氏

曰易春秋義惡不嫌同辭九二因中得正曰貞吉許之也九四不中不正曰貞吉戒之也

象曰九二貞吉以中也

傳所以真正而吉者以其得中道也中則不

失正况陽剛

壯一有壯字

而乾體乎

臨川吳氏曰中則無過不恃其

壯而不猛進也○中溪張氏曰中立而不倚強哉矯九二有焉

九三小人用壯君子用罔貞厲羝羊觸藩羸其

角

傳九三以剛居陽而處壯又當乾體之終壯

之極者也極壯如此在小人則為用壯在君

子則為用罔小人尚力故用其壯勇君子志

剛故用罔罔无也猶云蔑也以其至剛蔑視

於事而无所忌憚也君子小人以地言如君子有勇而無義為亂剛柔得中則不折不屈施於天下而無不宜苟剛之太過則無和順之德多傷莫與貞固守此則危道也凡物莫不用其壯齒者齧角者觸蹄者躡羊壯於首羝為喜觸故取為象羊喜觸藩籬以藩籬當其前也蓋所當必觸喜用壯如此必羸困其角矣猶人尚剛壯所當必用必至摧困也三壯甚如此而不至凶何也曰如三之為其往足以致凶而方言其危故未及於凶也凡可

以致凶而未至者則曰厲也

本義

過剛不中當壯之時是小人用壯而君

子則用罔也罔无也視有如无君子之過於

勇者也如此則雖正亦危矣羝羊剛壯喜觸

之物藩籬也羸困也貞厲之占其象如此節

蔡氏曰用壯无禮之勇也用罔不慮之決也

處位不中而好進前犯乎剛固守乎此以為

正則危矣大壯三四五爻有兌象兼二爻看

亦有兌象兌為羊羝羊喜用其角而觸者藩

四也羸拘纒繞也進則為四所困故以羝
羊羸角為象○劉氏曰三欲應上而四瞞之
以重剛不中而銳於進凡用壯如此者未
不羸角○雲峯胡氏曰大壯九三即遯九四
兩爻皆分君子小人在遯者其辭平在六壯
者其辭危危九三之過剛也剛壯之時又過

於剛小人用之為壯不足責君子用之蔑視
天下之事雖正亦危矣三過剛而上遇四之
剛故有羝羊觸藩羸其角之象爻皆用象以
為占此則因上文以貞厲為占又因以取貞
厲之象○雙湖胡氏曰聖人於九三一爻設
君子小人兩義亦如恒六五婦人吉夫子凶
大有九三公亨亨于天子小人不弗克否六二
小人吉大人否亨遯九四君子吉小人否之
類非謂九三既為君子又為小人也

象曰小人用壯君子罔也

傳在小人則為用其強壯之力在君子則為

用罔志氣剛強蔑視於事靡所顧憚也

本義小人以壯敗君子以罔困

雲峯胡氏曰恒九二惟悔

亡二字而象曰能久中大壯九二惟貞吉二字而象曰以中意正相似當剛壯之時以剛

大壯



周易事義大全十三

八

居柔則為中初九以剛居剛非中也故可必
其窮困九三以剛居剛非中也故小人以此
敗君子
以此困

九四貞吉悔亡藩決不羸壯于大輿之輹

傳

四陽剛長盛壯已過中壯之甚也然居四

為不正方君子道長之時豈可有不正也故
戒以貞則吉而悔亡蓋方道長之時小失則
害亨進之勢是有悔也若在他卦重剛而居
柔未必不為善也大過是也藩所以限隔也
藩籬決開不復羸困其壯也高大之車輪輹
強壯其行之利可知故云壯于大輿之輹輹

輪之要處也車之敗常在折輶輶壯則車強
矣云壯于輶謂壯于進也輶與輻同

本義貞吉悔亡與咸九四同占藩決不羸承

上文而言也決開也三前有四猶有藩焉四

前二陰則藩決矣壯于大輿之輶亦可進之

象也以陽居陰不極其剛故其象占如此

朱子

曰此卦如九二貞吉只是自守而不進九四

藩決不羸壯于大輿之輶却是自守而不進九四

此卦爻之好者蓋以陽居陰不極其剛而前

遇二陰有藩決之象所以為進非如九二前

有三四二陽隔之不得進也○節齋蔡氏曰

九四為壯之主以剛決柔壯之正者也位不

當故有悔得正而吉其悔可亡藩五也決開

也以剛決柔易而无困也輶在車之下所用

大壯

周易傳義

卷十三

象曰藩決不羸尚往也

傳剛陽之長必至於極四雖已盛然其往未

止也以至盛之陽用壯而進故莫有當之藩
決開而不羸困其力也尚往其進不已也

節齋

以行者下乘三剛壯輓之象○中溪張氏曰
四以上則震為大塗羣羊並驅而前无羸困
之患輿之行正在輓輓壯則大輿由大塗而
往四陽上進將為决之决乾之純矣○雲峯
胡氏曰乾九二既言見龍所以九四或躍在
淵不必言龍則此上爻言羊故藩決不羸不
復言羊貞吉悔亡與咸九四同占皆因占以
設戒之辭但在咸之四以陽居陰不得其正
故有憧憧往來之戒在壯之時以陽居陰又
為不極其剛故有藩決不羸之喜大畜九二
在三陽之中為六五所止故輿說輓壯九四
在三陽之上六五不能止故壯于大輿之輓

作喜一
善

蔡氏曰尚往者前无
困沮可以上進也

六五喪羊于易无悔

易以豉反一
音亦旅卦同

傳

羊羣行而喜觸以象諸陽並進四陽方長

而並進五以柔居上若以力制則難勝而有
悔唯和易以待之則羣陽无所用其剛是喪
其壮于和易也如此則可以无悔五以位言
則正以德言則中故能用和易之道使羣陽
雖壮无所用也

程子曰喪羊于易羊羣行而
觸物大壯衆陽並進六五以

陰居位惟和易然後可以喪羊易非難易之
易乃和易樂易之易○中溪張氏曰五以柔
處剛其位不當又值乾陽下進之衝勢不容
遏故有喪羊之象然柔而得中不與剛抗能

大壯

周易傳義大全十三

以和易處之則衆陽无所用其壯而強暴之氣屈矣然則喪羊雖五之不幸而于易亦五之善處也處以和易則不至有悔漢光武曰吾治天下以柔道六五之謂矣

本義

卦體似兌有羊象焉外柔而內剛者也

獨六五以柔居中不能抵觸雖失其壯然亦无所悔矣故其象如此而占亦與咸九五同易容易之易言忽然不覺其亡也或作疆場之場亦通漢食貨志場作易

朱子曰喪羊于易不若作疆場

之易漢食貨志疆場之場正作易蓋後面有喪牛于易亦同此義。雲峯胡氏曰諸家多以喪羊為下四陽本義獨為五五互兌自有羊象觀四陰有剝陽之勢至四則曰觀國之光觀五也壯四陽有決陰之勢至四則曰大與之輓載五也凡若是者尊君也喪羊于易

又若人君自亡其剛而不與衆陽較然亦尊
君也旅上九喪牛于易牛性順上九以剛居
極不覺失其所謂順此曰喪羊于易羊性剛
六五以柔居中不覺失其所謂剛自失其壯
故爻不言壯无悔與咸
六五同亦非深許之辭

象曰喪羊于易位不當也

傳所以必用柔和者以陰柔居尊位故也若

以陽剛中正得

一作居

尊位則下无壯矣以六

五位不當也故設喪羊于易之義然大率治
壯不可用剛夫君臣上下之勢不相侔也苟
君之權足以制乎下則雖有強壯跋扈之人
不足謂之壯也必人君之勢有所不足然後

謂之治壯故治壯之道不可以剛也

上六羝羊觸藩不能退不能遂无攸利艱則吉

傳

羝羊但取其用

用一无字

壯故陰爻亦稱之六

以陰處震終而當壯極其過可知如羝羊之

觸藩籬進則礙身退則妨角進退皆不可也

才本陰柔故不能勝已以就義是不能退也

陰柔之人雖極用壯之心然必不能終其壯

有摧必縮是不能遂也其所為如此无所往

而利也陰柔處壯不能固其守若遇艱困必

失其壯失其壯則反得

其一字

柔弱之分矣是

艱則得吉也用壯則不利知艱而處柔則吉

也居壯之終有變之義也或問傳以艱字為

而得柔弱之分故吉竊意不能退遂而无所

利則是已艱困矣而又曰遇艱何也恐此艱

字只作艱難其事而不敢求進不已則吉如

大畜九三利艱貞之艱說如何朱子曰當如

大畜之例

本義壯終動極故觸藩而不能退然其質本

柔故又不能遂其進也其象如此其占可知

然猶幸其不剛故能艱以處則尚可以得吉

也朱子曰上六取喻甚巧蓋壯終動極无可

去處如羝羊之角掛于藩上不能退遂然

大壯

○問大壯本好爻中所取却不好睽本不好

艱則吉者畢竟有可進之理但必艱始吉耳

大壯

三

爻中所取却好如六五對九二處非其位九
四對初九本非相應都成好爻不知何故曰
大壯便是過了纔過便不好如睽卦之類却
是易之取爻多為占者而不言占法取變爻便
是到此處變了所以困卦雖是正與見羣龍无
利用祭祀之屬却都好問此正與見羣龍无
節吉利永貞一般曰然却是變了故如此○
之極見剛者壯亦從之時剛者壯也柔居動體
也故其進退皆无所利艱則吉者苟知其難
能安乎柔而不進則吉也○雙湖胡氏曰九
三居乾體之極在下卦之上剛動而欲進上
六居震體之極在上卦之上動極而在上又
卦有互兌全體有夾畫兌故皆取羝羊用角
之義又三與上為正應本當有合者也然三
欲進而為四所隔故羸其角而不能應乎上
上雖與三為應而窮於上故既不能退而得
乎三又不能遂而成其進故无依利必艱難
自守以待之庶成其吉耳○雲峯胡氏曰五
上皆陰五已喪羊上又取羝羊觸藩者五喪

羊專以一爻言也上九與羊合一卦而言也蓋
至於上則壯終動極故與下卦之終同象上
之壯已極不能退六之質本柔不能遂然三
羸角上艱則吉者三過剛必至於自困上不
剛故可勉之以艱也
兼壯終有變之以義

象曰不能退不能遂不詳也艱則吉咎不長也

傳非其處而處故進退不能是其自處之不

詳慎也艱則吉柔遇艱難又居壯終自當變

矣變則得其分過咎不長乃吉也進齋徐氏曰上六進

退皆无所利由自處之不詳審故也苟知其艱難順守以待終亦獲吉雖有殃咎亦不長

久也○雲峯胡氏曰臨六三壯上六皆无利皆曰咎不長蓋六三之憂上六之艱不貴

无過而貴改過也○建安丘氏曰大壯剛進也二陰退而四陽進也而九四乃壯之所以

大壯

周易傳義卷六

十三

為壯者其曰藩決不羸壯于大輿之輓蓋許
 陽之壯也壯貴進不暴過剛則失其所以為
 壯矣其下三剛爻當隨四而壯不利自往初
 三皆以剛居剛好進者也故初征凶而三羸
 其角二以剛履柔居中能守不進者也故貞
 吉若上之二陰五柔居中而能受陽之壯故
 雖喪羊而无悔上柔居壯之終不能壯者而
 亦終用壯焉故有不能退不能遂之戒王輔
 嗣云未有違謙越禮能全其壯者也故陽
 爻皆以處陰位為美用壯處壯則觸藩矣



離上

傳 晉序卦物不可以終壯故受之以晉晉者

進也物无壯而終止之理既盛壯則必進晉
 所以繼大壯也為卦離在坤上明出地上也
 日出於地升而益明故為晉晉進而光明盛

大之意

義一作

也凡物漸盛為進故彖云晉進

也卦有有德者有無德者隨其宜也乾坤之

外云元亨者固有也云利貞者所不足而可

以有功也有不同者革漸是也隨卦可見晉

之盛而無德者無用有也晉之明盛故更不

言亨順乎大明無用戒正也

或問傳曰物無

既壯盛則必進竊意物進而後至於壯盛既

壯盛則衰退繼之矣今日壯盛則必進此義

如何朱子曰物固有壯而後進者亦有進而

後壯者其義自有不同此各隨其事而言難

以一說拘也且以十二月卦論大壯之為大

夫之為乾豈非壯而後進乎至乾乃極而衰

耳又問晉之盛而無德者無用有也然大有

可謂盛矣而有卦德不知如何曰元亨利貞

本非四德但為大亨而利於正之占耳乾卦之彖傳文言乃借為四德在他卦尤不當以德論也

晉康侯用錫馬蕃庶晝日三接

傳 晉為進盛之時大明在上而下體順附諸侯承王之象也故為康侯康侯者治安之侯也上之大明而能同德以順附治安之侯也故受其寵數錫之馬衆多也車馬重賜也蕃庶衆多也不唯錫與之厚又見親禮晝日之中至於三接言寵遇之至也晉進盛之時上明下順君臣相得在上而言則進於明盛在

臣而言則進升高顯受其光寵也

本義

晉進也康侯安國之侯也錫馬蕃庶書

日三接言多受大賜而顯彼親禮也蓋其為

卦上離下坤有日出地上之象順而麗乎大

明之德又其變自觀而來為六四之柔進而

上行以至于五占者有是三者則亦當有是

寵也

朱子曰康侯似說寧侯相似用錫馬之用只是箇虛字說他得這箇物事○書

日是那上卦離也書日為之是此意○誠齋

楊氏曰康侯者治安之侯也錫馬蕃庶而恩

之者豐書日三接而禮之者頻也○進齋徐氏曰康侯用錫馬蕃庶書日三接言諸侯有

安民之功故用此以受君之錫予而被其親

禮也左傳僖公二十八年晉文公朝王王賜

之車輅弓矢命之曰敬服王命以綏四國受
策而出出入三觀是也○中溪張氏曰當晉
進之時大明在上而下體皆同德順附有君
明臣順諸侯承王之象治進而盛躋一至於
康寧之厚而正畫成明之不惟錫馬蕃庶可
予之禮之至也○漢上朱氏曰周官校人天子
親禮之二閑馬六種邦國六閑馬四種凡朝覲
會同毛馬而頒之錫馬蕃庶也○姚氏小彭
禮三享三問三勞畫日三接也○姚氏小彭
曰畫日三接王接侯之禮也觀禮延升一也
覲畢致享升致命二也享畢王勞之升成拜
三也○雲峯胡氏曰彖言侯者三屯豫建侯
震也晉康侯坤也坤有土有民有安之象錫
馬蕃庶坤為牝馬為衆之象畫日三接離為
日為中虛之象或曰馬與畫日離午象蕃庶
三接坤為衆為文之象離配卦十有六象景
美者莫如晉大有大有明在天上其明最盛
晉明出地上其明方新有進義明君在上下
以柔順進而承之所謂康侯也康侯者治安

之侯非以功侯也下之務進者易生事以微
寵今多受大賜而顯彼親禮者惟治安之侯
其所以為大
明之時乎

彖曰晉進也

本義釋卦名義

建安丘氏曰彖曰晉進也雜
卦曰晉晝也蓋晉之義不特

以進為進而必
以明為進也

明出地上順而麗乎大明柔進而上行是以康
侯用錫馬蕃庶晝日三接也

傳晉進也明進而盛也明出於地益進而盛

故為晉所以不謂之進者進為前進不能包
明盛之義明出地上離在坤上也坤麗於離

以順麗於大明順德之臣上附於大明之君也柔進而上行凡卦離在上者柔居君位多云柔進而上行噬嗑睽鼎是也六五以柔居君位明而順麗為能待下寵遇親密之義是以為康侯用錫馬蕃庶晝日三接也大明之君安天下者也諸侯能順附天子之明德是康民安國之侯也故謂之康侯是以享寵錫而見親禮晝日之間三接見於天子也不曰公卿而曰侯天子治於上者也諸侯治於下者也在下而順附於大明之君諸侯之象也

本義

以卦象卦德卦變釋卦辭

進齋徐氏曰

乘坤也順而麗乎大明之君宜六五以柔進而上
臣而附麗乎大明之君宜六五以柔進而上
行也凡離居上體皆柔進而上行是以康侯
用此順德以受錫馬蕃庶之恩晝日三接之
禮也○臨川吳氏曰坤順之臣進而附麗於
離明之君此釋康侯錫馬之義柔臣德也五
君位也四近君卦自觀變六四之柔近君進
而上行至九五之剛下居四而柔近君進
猶朝貢之臣為天子所禮接此釋晝日三接
之義○胡氏曰易言柔得中而上行晉六五之
睽鼎也噬嗑則曰柔得中而上行晉六五之
柔自觀四進五也睽中孚之四進五也鼎巽
四進五也噬嗑雖不言進而六五之柔由益
四上行至五也此可以見柔進上行之例○
雲峯胡氏曰康侯非順者不能錫馬三接非
君之大明而柔者不能提起一二字卦辭盡
可見矣

象曰明出地上晉君子以自昭明德

傳 昭明之也傳曰昭德塞違昭其度也君子

觀明出地上而益明盛之象而以自昭其明德去蔽致知昭明德於已也明明德於天下昭明德於外也明明德在已故云自昭

本義 昭明之也進齋徐氏曰日初出地進而

明入地則晦日之明本无增損也蔽與不蔽之隔耳亦猶人之德性得於天者其體本明特為物欲所蔽不能无火昏昧而本然之明則未嘗息也君子觀明出地上之象悟性分之本明故以之自昭其明德也○建安丘氏曰晉之自昭明德者君子致知之學也乾之自強不息者君子力行之學也易大象惟乾晉二象以自言之信矣知行之學皆君子已

分所當為之事也。○雲峯胡氏曰：至健莫如天，君子以之自強；至明莫如日，君子以之自昭。○雙湖胡氏曰：合兩體成一卦，大象夫子論體象，君子只以卦之重者論，如此卦只取離明之義，置坤於不言，蓋有不必盡論兩體者，即此亦可以推他卦矣。

初六晉如摧如貞吉罔孚裕无咎

傳

初居晉之下進之始也。晉如升進也。摧如

抑退也。於始進而言遂，其進不遂，其進唯得正則吉也。罔孚者，在下而始進，豈遽能深見信於上？苟上未見信，則當安中自守，雍容寬裕，无急於求上之信也。苟欲信之心切，非汲汲以失其守，則悻悻以傷於義矣。皆有咎也。

故裕則无咎君子處進退之道也

本義以陰居下應不中正有欲進見摧之象

占者如是而能守正則吉設不為人所信亦

當處以寬裕則无咎也或問初六晉如摧如

日固孚裕无咎又是解上兩句恐貞吉說不

明故又曉之○厚齋馮氏曰摧說文擠也折

也有所抑而不我知則无咎○雙湖胡氏曰

威於上下之戒以能正則吉坤體寬裕故誨以

能裕則无咎也○雲峯胡氏曰欲進而退六

象上互艮有欲進而止之象凡始進必資
薦引四應不中正乃若相摧抑者進之初人
多有未信者然摧如在彼而吾不可以不正
固孚在人而吾不可以不裕初以陰居陽非
正才柔志剛不足於
裕貞與裕皆戒辭也

象曰晉如摧如獨行正也裕无咎未受命也

傳无進无抑唯獨行正道也寬裕則无咎者
始欲進而未當位故也君子之於進退或遲
或速唯義所當未嘗不裕也聖人恐後之人
不達寬裕之義居位者廢職失守以為裕故
特云初六裕則无咎者始進未受命當職任
故也若有官守不信於上而失其職一日不
可居也然事非一槩久速唯時亦容有為之
兆者

本義初居下位未有官守之命

進齋徐氏曰
居无位之初

以寬裕自處不汲汲於求進乃其宜也故无咎若已受命則是當事有官職苟一於裕則有曠廢之失能无咎乎○雲峯胡氏曰孟子曰我无官守我无言責則吾進退豈不綽綽然有餘裕哉即此意也

六二晉如愁如貞吉受茲介福于其王母

傳

六二在下上无應援以中正柔和

一作順

之

德非強於進者也故於進為可憂愁謂其進之難也然守其真正則當得吉故云晉如愁如貞吉王母祖母也謂陰之至尊者指六五也二以中正之道自守雖上无應援不能自進然其中正之德久而必彰上之人自當求

之蓋六五大明之君與之同德必當求之加之寵祿受介福於王母也介大也

本義

六二中正上无應援故欲進而愁占者

如是而能守正則吉而受福于王母也王母指六五蓋享先妣之吉占而凡以陰居尊者

皆其類也

或問王母指六五以為享先妣之吉占何也朱子曰恐是如此蓋周

禮有享先妣之禮○雙湖胡氏曰晉如愁如二欲進而復愁以其无應於五也五下互坎為加憂二欲進而前有坎險又為艮山所阻故有憂愁之象以能守正故終得吉○進齋徐氏曰上雖无應而同德相感故受茲介福于其王母也言受六五之福也○雲峯胡氏曰愁二陰柔无應之象王母六五陰而居尊之象小過六二日遇其妣彼言祖妣即此言

周易卷之三

二六

王母也二柔中正五雖不應而同德象蕃馬
三接即爻所謂介福象言錫爻言受互文也
凡進退皆不可以自必初有應宜可進也而
有欲進見摧之象二无應若可愁也而有受
福王母之占聖人皆戒之曰貞吉蓋不以應
之有无為吉凶而惟以不失在我之正者為
也吉

象曰受茲介福以中正也

傳受茲介福以中正之道也人能守中正之

道久而必亨况大明在上而同德必受大福

也

中漢張氏曰二之所以受福者以能居中而得正也

六三衆允悔亡

傳以六居三不得中正宜有悔咎

一作吝

而三

在順體之上順之極者也三陰皆順上者也是三之順上與衆同志衆所允從其悔所以亡也有順上向明之志而衆允從之何所不利或曰不由中正而與衆同得為善乎曰衆所允者必至當也况順上之大明豈有不善也是以悔亡蓋亡其不中正之失矣古人曰謀從衆則合天心

本義三不中正宜有悔者以其與下二陰皆

欲上進是以為衆所信而悔亡也

朱子曰衆允象也悔

亡占也○問晉六三如何見得為衆所信處曰晉之時二陰皆欲上進三處地較近故二

陰皆從之以進問如何得悔亡曰居非其位本當有悔以其得衆故悔可亡○中溪張氏曰六三位不中正有悔宜也然三能率初二以順上而衆皆允信而從之故其悔可亡○雲峯胡氏曰衆坤象坤順之極故有允象三居下卦之上為衆陰之長正康侯之謂也初固孚衆未允也二愁如猶有悔也三居順之極而衆皆相信可以進而受三接之寵矣未信而進其悔在後衆允而進其悔乃亡

象曰衆允之志上行也

傳上行上順麗於大明也上從大明之君衆

志之所同也中溪張氏曰六三順極而明近

皆有上行之志也

九四晉如鼫鼠貞厲艱音

傳以九居四非其位也非其位而居之貪據其位者也貪處高位既非所安而又與上同德順麗於上三陰皆在已下勢必上進故其心畏忌之貪而畏人者鼯鼠也故云晉如鼯鼠貪於非據而存畏忌之心貞固守此其危可知言貞厲者開有改之道也

本義不中不正以竊高位貪而畏人蓋危道

也故為鼯鼠之象占者如是雖正亦危厚齋

曰鼯詩作碩疑此轉注從鼠郭景純云形大如鼠好在田中食粟豆蓋田鼠也○中溪張

氏曰詩以鼯鼠刺貪此之鼯鼠象其貪於進也○雲峯胡氏曰鼯鼠貪而畏人九四爻剛

位柔之象解以陰居陽者象狐解自初至五互重坎者象鼠九家易坎為狐解自初至五互重坎上下三陰故稱三狐艮為鼠晉互體艮艮上一陽故稱艮鼠狐性疑解當去其疑鼠性食晉當去其貪取象各有攸當況晉畫也鼠亦畫伏非能以畫進者九四不中不正以竊高位又畏大明之君而不敢進故有此象其占曰貞厲雖正亦危況不中正乎

象曰鼫鼠貞厲位不當也

傳賢者以正德宜在高位不正而處高位則

為非據貪而懼失則畏人固處其地危可知

也

童溪王氏曰當柔進之時九四獨以剛進故進之義於貞為厲於位為不當也

六五悔亡失得勿恤往吉无不利

傳

六以柔居尊位本當有悔以大明而下皆

順附故其悔得亡也下既同德順附當推誠
委任盡衆人之才通天下之志勿復自任其
明恤其失得如此而往則吉而无不利也六
五大明之主不患其不能明照患其用明之
過至於察察失委任之道故戒以失得勿恤
也夫私意偏任不察則有蔽盡天下之公豈
當

一作

得

復用

其一字

有私察也

當

得

復用

其一字

有私察也

當

得

復用

其一字

有私察也

當

得

復用

其一字

有私察也

當

得

本義

以陰居陽宜有悔矣以大明在上而下

皆順從故占者得之則其悔亡又一切去其

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

計功謀利之心則往吉而无不利也然亦必

有其德乃應其占耳

朱子曰失得勿恤此說

須問他自是好猶言勝負兵家之常云爾此

卦六爻无如此爻吉○問六五悔亡失得勿

恤之說曰便是伊川說得太深據此爻只是

占者占得此爻則不必恤其失得而自亦无

所不利耳如何說道人君既得同德之人而

委任之不復恤其失得如此則蕩然无復是

非而天下之事亂矣假使其所任之人或有

作亂者亦將不恤之乎雖以堯舜之聖臯夔

益稷之賢猶云屢省乃成如何說既得同心

同德之人而任之則在此上者一切不問而任

其所為豈有此理且彼等所為既失矣為上者

如何不恤得聖人无此等說話聖人所說卦

爻只是略說過以不為人當著此爻則大勢

已好雖有所失得亦不必慮而自无不利

也聖人說得甚淺伊川解得大深聖人所說

短伊川解得長失得勿恤只是自家自作教

是莫管他得失如云人裁解做官這箇却必

不得只得盡其所當為者而已如仁人正其

誼不謀其利明其道不計其功相似。○建安
丘氏曰五以柔居尊位為離明之主彖所謂
柔進而上行者也。在下三陰皆欲附已而允
四阻之本當有悔以同德相孚其勢必合故
得亡也。失得主三陰言為四所間失也。終與
已合得也。勿恤不必憂也。言五但當往而上
進三柔志在上行終必從已而或得或失皆
當置而勿問則自然吉。无不利矣。五爻柔疑
於進故勉之。○中溪張氏曰待眾允而悔亡
者六三是己不待眾允而悔亡者六五是已
六五為自昭明德之主天下臣民莫不順而
麗之何悔不亡苟能失得不累於心勿勞憂
恤持此以往吉无不利也。○雲峯胡氏曰大
明在上下皆順從非特悔亡其往也宜吉无
不利矣。復戒之以失得勿恤何也。彖惟升言
勿恤豐言勿憂爻則泰九三家九五萃初
六皆言勿恤事有不憂者勿恤寬之辭也。
有不當憂者勿恤戒之之辭也。晉六五曰失
得勿恤戒之辭明矣。蓋當進之時易有患得
失之心六五處大明之中而才柔又易有失

得之累本義以為一切去其計功謀利之心者大明在上用其明於當為而不當用其明於計功謀利之私也

不然則明反為累矣

象曰失得勿恤往有慶也

傳以大明之德得下之附推誠委任則可以成天下之大功是往而有福慶也

上九晉其角維用伐邑厲吉无咎貞吝

傳角剛而居上之物上九以剛居卦之極故取角為象以陽居上剛之極也在晉之上進之極也剛極則有強猛之過進極則有躁急之失以剛而極於進失中之甚也无所用而

可維獨用於伐邑則雖厲而吉且无咎也伐
四方者治外也伐其居邑者治內也言伐邑
謂內自治也人之自治剛極則守道愈固進
極則遷善愈速如上九者以之自治則雖傷
於厲而吉且无咎也嚴厲非安和之道而於
自治則有功也復云貞吝以盡其義極於剛
進雖自治有功然非中和之德故於貞正之
道為可吝也不失中正為貞朱子曰貞吝之
義諸義只云貞
固守此則吝不應於此獨云於正道為吝也
○進齋徐氏曰此爻剛而在上有角之象進
而至於角窮而无所往獨可用其剛而伐邑
以治其內必常懷惕厲自危之心則吉而无

啓矣○李氏開曰晉而至於角前無餘地矣
伐其邑自治也春秋之墮三都其策雖窮不
猶愈於不墮乎雖危而吉此
公至自圍郟所以善之也

本義 角剛而居上上九剛進之極有其象矣

占者得之而以伐其私邑則雖危而吉且无

咎然以極剛治小邑雖得其正亦可吝矣或問

上九剛進之極以伐私邑安能吉而无咎朱

子曰以其剛故可伐邑若剛則不能伐邑

矣但易中言伐邑皆是方三年之類維用伐

其用大矣如高宗伐鬼方三年之類維用伐

邑則不可用之於大可知雖用以伐邑然亦
必能自危厲乃可以吉而无咎過剛而能危
厲則不至於過矣○問本義作伐其私邑程
傳以為自治如何曰便是程傳多不肯說實
事皆以為取喻伐邑如墮費墮郟之類是也
大抵今人說易多是見易中有此一語便以

象曰維用伐邑道未光也

為通體事當如此不知當其時節地頭其大
所占得者其象如何若果如今人所說則易
之說有窮矣○雲峯胡氏曰上九剛進之極
而以伐私邑雖危而吉且无咎許之也然以
剛進之極僅能伐其小邑雖正亦可吝鄙之
也本義曰私邑又曰小邑雖六五伐不言邑
其伐也公晉上九伐其內地之邑則為私矣
既濟九三伐鬼方其伐也大晉上九僅能伐
其私邑則為小矣○雙湖胡氏曰晉其角與
姤其角同義皆剛上之象上九與九四皆不
正一云貞厲一云貞吝者蓋云雖正猶厲
猶吝况不貞乎其警戒之意抑又深切矣

傳維用伐邑既得吉而无咎復云貞吝者貞

道未光大也以正理言之尤可吝也夫道既
光大則无不中正安有過也今以過剛自治

周易傳義

三十一

雖有功矣然其道未光大故亦可吝聖人言

盡善之道龜山楊氏曰非日中之時剛上窮

用伐邑而已若夫道足以照天下則光也故維

服矣尚何伐邑之有○進齋徐氏曰上九之

維用伐邑所用者小而於晉進之道未為先

大也○建安丘氏曰上陽體本光以四據其

應陽不得用故道未光如屯陰為初九所據

萃陰為九四所據故九五皆以未光言之又

曰晉進也柔進而上行也故卦專主柔進為

義六爻進也柔進而上行也故卦專主柔進為
者也故往吉无不利下坤三柔皆欲進而
九四以剛間之故有晉如鼫鼠之象三與五
近下接二柔志在上行四莫能間故曰衆
悔亡二在下卦之中去五漸遠則憂其不
進故晉如愁如初最遠於五當進之始上
四應反為所抑故晉如摧如也上以剛居
卦之窮无可進之地故有晉其角之象○趙
氏曰下三爻皆柔順而坤體故初二吉三悔

亡四上以陽不當位故厲且吝雅五
以柔明居尊位故往吉无不利也



離上坤下

傳

明夷序卦晉者進也進必有所傷故受之

以明夷夷者傷也夫進之

一作而

不已必有所

傷理自然也明夷所以次晉也為卦坤上離

下明入地中也反晉成明夷故義與晉正相

反晉者明盛之卦明君在上羣賢並進之時

也明夷昏暗之卦暗君在上明者見傷之時

也日入於地中明傷而昏暗也故為明夷

明夷利艱貞

明夷

傳

君子當明夷之時利在知艱難而不失其

貞正也在昏暗艱難之時而能不失其正所

以為明

一有為字

君子也

本義

夷傷也為卦下離上坤日入地中明而

見傷之象故為明夷又其上六為暗之主六

五近之故占者利於艱難以守正而自晦其

明也

中渙張氏曰離下坤上為明夷離日為坤地所掩有傷其明之象斯時也宜克

艱其心而不失乎貞正此則處明夷之道也

○孔氏曰暗主在上明臣在下不敢顯其明

智亦明夷之義時雖至暗不可隨世傾邪政

宜艱難堅固守其貞正之德故利在艱貞○

雲峯胡氏曰以二體則離明也傷之者上上為暗主

六爻則初至五皆明也傷之者上上為暗主

而五近之故本義從彖傳以利艱貞為五彖
辭多言利貞惟坤利牝馬之貞同人利君子
貞家人利女貞明夷則曰利艱貞在諸爻中
惟噬嗑九四大畜九三言之未有一卦全體
以為利義者蓋明夷之時艱難之時也貞一
也與處平常之時異矣彼方欲晦我之明艱
難守貞而自昭其明可也○雙湖胡氏曰艱
則患難之時也處此時者利在遭患難而守
其貞故曰利艱貞明傷於坤地之下居中而
不失其正其六二當之乎彖辭文王所作也
於坤曰安貞吉於明夷曰利艱貞終
守臣節而不失其不可見於此乎

彖曰明入地中明夷

本義以卦象釋卦名

進齋徐氏曰離日在坤
地之下故曰明入地中

日出地則明入地
則晦故以晦為夷

內文明而外柔順以蒙大難文王以之

難乃旦
反下同

明夷



周易卷八

二十八

傳明入於地其明滅也故為明夷內卦離離者文明之象外卦坤坤者柔順之象為人內有文明之德而外能柔順也昔者文王如是故曰文王以之當紂之昏暗乃明夷之時而文王內有文明之德外柔順以事紂蒙犯大難而內不失其明聖而外足以遠禍患一作害此文王所用之道也故曰文王以之

本義以卦德釋卦義蒙大難謂遭紂之亂而

見囚也臨川吳氏曰文王為紂所囚內文明而

用合於明夷全卦之義

利艱貞晦其明也內難而能正其志箕子以之

傳

明夷之時利於處艱危而不失其真正謂

能晦藏其明也不晦其明則被禍患不守其
正則非賢明箕子當紂之時身處其國內切
近其難故云內難然箕子能一無藏晦其明
而自守其正志箕子所用之道也故曰箕子
以之

本義

以六五一爻之義釋卦辭內難謂為紂

近親在其國內如六五之近於上六也

朱子曰文

王箕子大槩皆是晦其明然文王外柔順是本分自然做底箕子晦其明又云艱是他那

佯狂底意思便是艱難底氣象。建安丘氏曰：文王得明夷二體之義，內有文明之德而外以柔順掩之，故雖蒙彼大難而卒能脫身於羑里者，用此道也。箕子得明夷六五一爻之義，故處難處之世而能以艱貞為利，晦其明而不耀其明，屈其身而能正其志，況以暗君在上，事之不可諫之不行，不忍其宗國之顛亡，罹此內難而能卒免於禍者，用此道也。○中溪張氏曰：以全卦言，離明文王象坤晦紂象以坤乘離，是文王之明為紂所蔽也。以一爻言，五箕子象五體本陽，以六居之為陰中藏陽，是箕子自晦其明也。○雲峯胡氏曰：彖曰：明夷利貞，艱貞周公於六五爻辭曰：明夷利貞，釋彖無文，王發之蓋美里，演易之明夷利貞，容可見文王之德，佯狂受辱，履之艱難，可見箕子之志，然此一時也。文王因極艱難，伏義河圖之易，箕子因斯文之會，蓋有天之疇聖賢之於患難，自係斯文之會，蓋有天之意存焉。此非彖傳本意，姑及之。

作弘
容一

象曰明入地中明夷君子以莅衆用晦而明

傳明所以照君子无所不照然用明之過則

傷於察太察則盡事而无含弘之度故君子

觀明入地中之象於莅衆也不極其明察而

用晦然後能容物和衆衆親而安是用晦乃

所以為明也若自任其明无所不察則已不

勝其忿疾而无寬厚含容弘一作之德人情睽

疑而不安失莅衆之道適所以為不明也古

之聖人設前旒屏樹者不欲明之盡乎隱也

朱子曰君子用晦而明晦地象明日象晦則是
是不察察若晦而不明則晦得沒理會了故

明夷

同力專義下全十三

分晦而內必明乃好。○白雲郭氏曰：明入地中而後為明夷夷之為傷，非毀其明也。晦其明而己，晦其明則有終明之道。是知艱貞之君子所以能用晦而明也。○建安丘氏曰：明入地中外晦內明，故君子以之莅衆不用明而用晦。此其所以明也。○東萊呂氏曰：用晦而明者，君子養明之道。不有虞淵之入焉，有賜谷之明。○雲峯胡氏曰：晉明盛之象，君子燮而用以自治，明夷晦其明之象。君子推而用以治人，皆善用易者也。

初九明夷于飛垂其翼君子于行三日不食有攸往主人有言

傳

初九明體而居明夷之初見傷之始也九

陽明上升者也故取飛象昏暗在上傷陽之明使不得上進是于飛而傷其翼也翼見傷

故垂采凡小人之害君子害其所以行者君子于行三日不食君子明照見事之微雖始有見傷之端未顯也君子則能見之矣故行去避之君子于行謂去其祿位而退藏也三日不食言困窮之極也事未顯而處甚艱非見幾之明不能也夫知幾者君子之獨見非衆人所能識也故明夷之始其見傷未顯而去之則世俗孰不疑怪故有所往適則主人有言也然君子不以世俗之見怪而遲疑其行也若俟衆人盡識則傷已及而不能去矣

此薛方所以為明而揚雄所以不獲其去也
或曰傷至於垂翼傷已明矣何得衆人猶未
識也曰初傷之始也云垂其翼謂傷其所以
飛爾其事則未顯也君子見幾故亟去之世
俗之人未能見也故異而非之如穆生之去
楚申公白公且非之況世俗之人乎但譏其
責小禮而不知穆生之去避胥靡之禍也當
其言曰不去楚人將鉗我於市雖二儒者亦
以為過甚之言也又如袁閎於黨事未起之
前名德之士方鋒起而獨潛身土室故人以

為狂生卒免黨錮之禍所往而人有言胡足
恠也

本義 飛而垂翼見傷之象占者行而不食所

如不合時義當然不得而避也

建安丘氏曰明夷暗主在

上初體離明去上最遠見傷即避有飛而垂翼之象垂翼不敢上進戢身避禍也君子知

幾義當速去蓋可以不食而不可以不去去重於食故也主人主我者也謂初與四為應

也有言謂訝其去之早也○雲峯胡氏曰飛離鳥象象為飛占為行為往象為垂其翼占

為不食有言飛而垂翼物之傷也行而不食所如不合君子之傷也君子此時惟有安於

義命而已蔡氏謂初二爻三仁象愚意于行不食伯夷避紂之象○節齋蔡氏曰曰飛曰

行曰往皆進之謂也曰垂翼曰不食曰有言皆傷之謂也言當明夷之初進而有傷也取

上獨遠故
傷者淺

象曰君子于行義不食也

傳君子遯藏而困窮義當然也唯義之當然
故安處而无悶雖不食可也

本義唯義所在不食可也童溪王氏曰君子

也三日不食謂義不食其祿也○雲峯胡氏曰君子去就之義皆於其初占之賁之初不可乘而不乘義也明夷之初不當食而不食亦義也卦皆下離決去就之義於早者非明不能也

六二明夷夷于左股用拯馬壯吉

傳六二以至明之才得中正而體順順時自

處處之至善也雖君子自處之善然當陰闇
小人傷明之時亦不免為其所傷但君子自
處有道故不能深相傷害終能違避之爾足
者所以行也股在脛足之上於行之用為不
甚切左又非使用者手足之用以右為便唯
蹶張用左蓋右立為本也夷于左股謂傷害
其行而不甚切也雖然亦必自免有道拯用
一作其壯健之馬則獲免之速而吉也君子為
陰闇所傷其自處有道故其傷不甚自拯有
道故獲免之疾用拯之道不壯則被傷深矣

故云馬壯則吉也二以明居陰闇之下所謂
吉者得免傷害而已非謂可以有為於斯時
也

本義 傷而未切救之速則免矣故其象占如

此或問明夷初二爻不取爻義朱子曰初
爻所傷地遠故雖傷而尚能飛問初爻比
二爻却似二爻傷得淺初爻傷得深曰非也
初尚能飛但垂翼耳○進齋徐氏曰初傷其
翼所傷猶淺二傷及股則害於行矣二在下
故曰左兵法前為右後為左今人以下移為
左遷夷于左股傷于下也馬壯則行速言救
之道速則獲免於難而吉也○雲峯胡氏曰
明夷取手足心腹為象初二為股三四為腹
五上為首初三右也故二四為左左弱而右
強右陽而左陰也豐九三與明夷下體離皆以上
六一爻為暗主豐九三與上為應故折其右

肱傷之切而不可用也明夷六二去上遠故
夷于左股傷之未切猶可用也用拯馬壯吉
渙初六亦言之本義以初柔非濟渙之才取
九二之剛為馬明夷六二亦柔也諸家多取
九三之剛為馬而本義但曰救之速則免何
也蓋渙下坎主九二初欲救渙之速非假二
之剛健中正不可明夷下離主六二六二文
明中正救傷之速有不必假於三者○鄭氏
剛中曰大抵救傷拯渙非
健速不可故皆以馬壯言

象曰六二之吉順以則也

傳六二之得吉者以其順處而有法則也則

謂中正之道能順而得中正所以處明傷之

時而能保其吉也臨川吳氏曰六二以柔居

壯之馬以拯已
之傷而有吉也中為順而有則故能得強

明夷

九三明夷于南狩得其大首不可疾貞

傳

九三離之上明之極也又處剛而進上六

坤之上暗之極也至明居下而為下之上至暗在上而處窮極之地正相敵應將以明去暗者也斯義也其湯武之事乎南在前而明方也狩畋而去害之事也南狩謂前進而除害也當克獲其大首大首謂暗之魁首上六也三與上正相應為至明克至暗之象不可疾貞謂誅其元惡舊染汚俗未能遽革必有其漸革之遽則駭懼而不安故酒誥云惟殷

之迪諸臣惟工乃酒于酒勿庸殺之姑惟教之至於既久尚曰餘風未殄是漸漬之俗不可以遽革也故曰不可疾真正之不可急也上六雖非君位以其居上而暗之極故為暗之主謂之大首

本義

以剛居剛又在明體之上而屈於至暗

之下正與上六闇主為應故有向明除害得其首惡之象然不可以極也故有不可疾真正之戒成湯起於夏臺文王興於羑里正合此爻之義而小事亦有然者

建安丘氏曰他卦三與上為正應在

周易卷之二十三

三十一

明夷則為以至明伐至暗之象也故曰明夷
于南狩南者進而前之方狩者畋而去之
之事大首指上六得其大首者殲厥渠魁也
九三出而專南狩之權以應上六柔暗之敵
為民除害一舉而獲其首惡之大者然九三
以剛居剛又有不可疾貞之戒不可疾貞者
猶冀其改過遷善則伐可不舉矣○雲峯胡
氏曰初无位可去則去之宜速二在位可救
則救之宜速若九三至明之極與上至暗之
極者為應不可復救矣故有向明除害得其
首惡之象然二之救難可速也三之除害不
可速也故又有不可疾貞之戒武王須假五
年其得此象○西溪李氏曰武王處明夷則
以不可疾為貞箕子處明夷則以利艱為貞
各當其事也○隆山李氏曰雜卦云晉晝則
明夷為夜又曰明夷誅則晉為賞錫馬三接
賞也南狩得大首誅也○白雲郭氏曰
不可疾者離之性失之過則暴故戒

象曰南狩之志乃大得也

傳夫以下之明除上之暗其志在去害而已

如商周之湯武豈有意於利天下乎得其大

首是能去害而大得其志矣志苟不然乃悖

亂之事也

建安丘氏曰三在明體之上以昭去昏以順取逆持此以往則南狩

可以大得志矣○中溪張氏曰是狩也必有湯武之志然後可以行湯武之事也

六四入于左腹獲明夷之心于出門庭

傳

六四以陰居陰而在陰柔之體處近君之

位是陰邪小人居高位以柔邪順於君者也

六五明夷之君位傷明之主也四以柔邪順

從之以固其交夫小人之事君未有由顯明

以道合者也必以隱僻之道自結於上右當
用故為明顯之所左不當用故為隱僻之所
人之手足皆以右為用世謂僻所為僻左是
左者隱僻之所也四由一有是字隱僻之道深入
其君故云入于左腹入腹謂其交深也其交
之深故得其心凡姦邪之見信於其君皆由
奪其心也不奪其心能无悟乎于出一作門
庭既信之於心一作既奪其心而後行之於外也邪
臣之事暗君必先蠱其心而後能行於外

本義

此爻之義未詳竊疑左腹者幽隱之處

獲明夷之心于出門庭者得意於遠去之義
言筮而得此者其自處當如是也蓋離體為
至明之德坤體為至闇之地下三爻明在闇
外故隨其遠近高下而處之不同六四以柔
正居闇地而尚淺故猶可以得意於遠去五
以柔中居闇地而已迫故為內難正志以晦
其明之象上則極乎闇矣故為自傷其明以
至於闇而又足以傷人之明蓋下五爻皆為
君子獨上一爻為闇君也

朱子曰明夷下三爻皆說明夷是明

而見傷者六四爻說者却以為是姦邪之臣
先蠱惑其君心而後肆行於外殊不知上六

是暗主六五却不作君說六四之與上六既
非正應又不相比又况下三爻皆說明夷是
好底何獨此爻却作不好說以意觀之六四
居闇地尚淺猶可以得意而遠去故雖入於
幽隱之處猶能獲明夷之心于出門庭也故
小象曰獲心意也上六不明晦則是合下已
是不明故初登于天可以照四國而不免後
入于地則是始於傷人之明而終於自傷以
隆其命矣呂原明以爲唐明皇可以當之蓋
言始明而終暗也○于出門庭言君子去暗
尚遠可以得其本心而遠去○雲峯胡氏曰
腹坤象故坤體之下有左腹象自明之暗有
入于幽隱之象左僻爲幽腹在內爲隱諸家
皆以入于左腹爲小人左道惑君本義謂上
爲闇主傷人之明者下五爻皆君子之明爲
其所傷者初二三明明在暗外至四則明將入
于暗中然比之六五則暗尚淺猶可得意於
遠去坤有腹象入于左腹自離而入于坤也
坤偶有門象于出門庭猶可去而出乎坤也
獲明夷之心者微子之自靖出門庭者微子

之行遯也。○建安丘氏曰：坤為腹，左者隱僻之所也。六四進居坤體之下，故曰入于左腹。傷人之明者，上也。六四深入其腹而得其傷，明之心，故曰獲明夷之心，幸而四與上同體，於此而得其密意，知上之聞主不可輔舍而去之，以就九三之明，故有于出門庭之象。此微子於紂為同姓肺腑之親，知其意之不可諫，舍商紂而歸武王，書云：『吾家耄遜于荒。』我不顧行遯，正得此爻之義矣。○雙湖胡氏曰：節初九戶庭指九二九二門庭指六三陽為戶，陰為門。今六四稱門庭，蓋指本爻之象也。

象曰：入于左腹，獲心意也。

傳：入于左腹，謂以邪僻之道入于君而得其

心意也。得其心，所以終不悟也。

六五箕子之明夷利貞。

明夷

傳五為君位乃常也然易之取義變動隨時

上六處坤之上而明夷之極陰暗傷明之極者也五切近之聖人因以五為切近至暗之人以見處之之義故不專以君位

義一作

言上

六陰暗傷明之極故以為明夷之主五切近傷明之主著顯其明則見傷害必矣故當如

箕子之自晦藏則可以

以一无字

免於難箕子商

之舊臣而同姓之親可謂切近於紂矣若不
自晦其明被禍可必也故佯狂為奴以免於
害雖晦藏其明而內守其正所謂內難而能

正其志所以謂之仁與明也若箕子可謂貞
矣以五陰柔故為之戒云利貞謂宜如箕子
之貞固也若以君道言義亦如是人君有當
含晦之時亦外晦其明而內正其志也

本義

居至闇之地近至闇之君而能正其志

箕子之象也貞之至也利貞以戒占者

或問商之

三仁其行不同而至於至誠惻怛之意微子
之去欲存宗他比干之死欲紂改行可見其
至誠惻怛處不知箕子至誠惻怛何以見朱
子曰箕子比干都是一樣心箕子偶然不衛
著紂之怒自不殺他然他見比干恁地死若
更死諫无益於國徒使人君有殺諫臣之名
在他處此最難微子去却易比干一旬諫死
又却索性箕子在半上落下最是難處被他

廣義傳義卷之三

三十一

監繫在那裏不免佯狂所以易中特說箕子
之明夷可見其難處故彖曰利艱貞晦其明
也內難而能正其志箕子以之他外雖狂而
心則定也○爻說貞而不言艱者蓋言箕子
則艱可見不必更言之○進齋徐氏曰上六
為明夷之主則闇君也而六五近之雖當明
夷之時然居位得中守其明而不息此箕子
之貞也○王氏湘卿曰微子去之利而不貞
比干諫而死貞而不利惟箕子囚奴利且正
也以六居五乃能利貞○中溪張氏曰爻言
利貞即彖所謂利艱貞也○雲峯胡氏曰士
大夫處平時易處明夷之時難處明夷之時
為微子比干猶易為箕子難微子已去不可
復去比干已死不必復死內難而能正其志
箕子以之此殷有三仁而爻獨以箕子言之
也易以意為主此卦之意主於上六故以象
暗君則君位不在此五諸卦
意有類此者唯學者識之

象曰箕子之貞明不可息也

傳箕子晦藏不失其貞固雖遭患難其明自

存不可滅息也若逼禍患遂失其所守則是

亡其明乃滅息也古之人如揚雄者是也

中溪

張氏曰箕子之明可晦而不可息者蓋其明在內故也

上六不明晦初登于天後入于地

傳上居卦之終為明夷一作夷之主又為明夷

之極上至高之地明在至高本當遠照明既

夷傷故不明而反昏晦也本居於高明當及

遠初登于天也乃夷傷其明而昏暗後入于

地也上明夷之終又坤陰之終明傷之極者

也

本義

以陰居坤之極不明其德以至於晦始

則處高位以傷人之明終必至於自傷而墜

厥命故其象如此而占亦在其中矣

朱子曰明夷未

是說暗之主只是說明而被傷者乃君子也

上六方是說暗君○王氏湘鄉曰前五爻言

明夷直猶有明而晦矣○雲峯胡氏曰下三爻以

明夷為句首四則明夷之辭在句中上六不

曰明夷而曰首四則明夷蓋惟上六不明而晦所

以五爻之明皆為所夷矣始則居高位而傷

人之明終則必至於自傷而墜厥命爻設為

此象以為後世人主之大戒人之明未必有

也卒乃自傷而遂墮絕厥命則亦何益之有

哉如紂者亦可鑑矣○雙湖胡氏曰下五爻

皆說明夷是有明而見傷者也上一爻說不

明晦是實晦而不明者也。以卦言則傷離之明者，在坤為晦，以爻言則傷下五爻之明者，在上為獨為晦，各有不同也。五上為天，有登天之象，坤地至上，方成又有入地之象，嘗觀朱子贊易曰：理定既實，事來尚虛，用應始有體，該本无此文。王周公為垂世立教而作易，豈欲故以明夷一卦紀商周之事哉？卦爻自有此象，則繫此辭，自後世觀之，非特箕子一爻紂君臣當時事體无一不與明夷卦爻相似耳。若謂先因此事而後為此辭，則六十四卦只載六十四事，文王周公之志荒矣。

象曰：初登于天，照四國也；後入于地，失則也。

傳：初登于天，居高而明，則當照及四方也；乃

被傷而昏暗，是後入于地，失明之道也。失則

失其道也。


周易傳義卷之三

本義 照四國以位言

建安丘氏曰明夷六二

故卒能自全其明而免禍上六傷人以其明者
以其失則故至於自墜厥命而喪邦則者君
道之正也其可失乎○雲峯胡氏曰離之照
四國以德言此之照四國以位言爾則者不
可踰之理失則所以為紂順則所以為文王
○進齋徐氏曰下三爻離體明也上三爻坤
體暗也上六暗極所以為明夷之主也故不
言明夷下五爻皆所以為明夷之體也而有遠
近淺深之殊者也已故皆言明夷初明雖傷去
上最遠垂翼而已二則傷股而害已深矣以
其在下居中去上猶遠有可拯之道也三則
與上為正應可以南狩而獲其大首矣四入
坤晦之門庭其暗尚淺有可去之明而巳
近於難義不可去亦惟艱貞自晦其明而已
此紂之時聖賢所處之道不同有如此○建
安丘氏曰明夷上二體言則離明為坤暗所
傷以六爻言則上一爻為暗君自五而皆
為所傷所以以下五爻皆曰明夷此受傷者也

上一爻曰不明晦而獨不言明夷此傷人之
明者也今以商周之事聚論則上一爻極暗
為紂之昏毒五近晦為箕子之囚奴四與上
同體避暗就明為微子之遜去三與上應以
明尅暗為武王之伐紂二在大臣之位蔽明
於暗為文王之姜里初去暗稍遠見傷即避
其伯夷太公居海濱之事乎
明夷六爻之義於此可見矣



離上
巽下

傳家人序卦夷者傷也傷於外者必反於家

故受之以家人夫傷困於外則必反於內家
人所以次明夷也家人者家內之道父子之
親夫婦之義尊卑長幼之序正倫理篤恩義
家人之道也卦外巽內離為風自火出火熾

則風生風生自火自內而出也自內而出由

家而

一而无兩字

及於外之象二與五正男女之位

於內外為家人之道明於內而巽於外處家
之道也夫人有諸身者則能施於家行於家
者則能施於國至於天下治治天下之道蓋
治家之道也推而行之於外耳故取自內而
出之象為家人之義也文中子書以明內齊
外為義古今善之非取象之意也所謂齊乎
巽言萬物潔齊於巽方非巽有齊義也如戰
乎乾乾非有戰義也

或問易傳云正家之道在於正倫理篤恩義今

欲正倫理則有傷恩義欲篤恩義又有乖於
倫理如何朱子曰須是於正倫理處篤恩義
篤恩義而不失倫理方可○合沙鄭氏曰家
人之卦由人事而名也天理在焉學者不旁
通其情而拘於家人一事則六十四卦皆拘也

家人利女貞

傳家人之道利在女正女正則家道正矣夫
夫婦婦而家道正獨云利女貞者夫正者身
正也女正者家正也女正則男正可知矣

本義家人者一家之人卦之九五六二内外
各得其正故為家人利女貞者欲先正乎内
也内正則外无不正矣

中溪張氏曰家人之
義以內為主六二居

內而女位正故曰利女貞女正則家道成矣或
謂男女莫非家人而獨曰利女貞者何邪蓋
家人合巽離而成卦巽長女兩利女貞中女
兩位二以柔居柔各得其正此亦利女貞之
義普舜刑于二女正合家而莫難於一家○誠
齋楊氏曰正莫易於天下而莫難於一家莫
易於一家正一家之父子兄弟兩莫難於一
正一家正一家正天下定矣故家人九五居
曰利女貞○雲峯胡氏曰家人九五居外六
二居內男女正位之象也長女居上中女居
下尊卑有序之象也四陽二陰陽強而陰弱
夫唱婦隨之象也二柔皆居陰位執柔而不
敢抗之象也內明而外巽處家之象也自初
至五皆貞專卑各安其分之象也兩卦獨曰
利女貞先正乎內也天下以國為內國以家
為內家以女為內在咸之時二女尚少此中
女與長女則家道既成之象也巽長女一陰
在下而順今居上卦之下而得其正離中女
一陰在中而明今居下卦之中而得其正此
所以為女之正兩其家无不正者要之家人

內也當以離內為主

彖曰家人女正位乎內男正位乎外男女正天地之大義也

傳彖以卦才而言陽居五在外也陰居二處內也男女各得其正位也尊卑內外之道正合天地陰陽之大義也

本義以卦體九五六二釋利女貞之義雲峯

曰家人離多由女之不正故言男之正必先以女正言之○中溪張氏曰卦辭但言利女貞而彖辭則曰男女正蓋離下巽上則為家人在內卦以六居二陰得陰位則女正位乎內也在外卦以九居五陽得陽位則男正位乎外也男女之位各得其正乃天地陰陽之

家人

大義也。○馮氏去非曰：經止言女正，而孔子推明一家之人皆利於正，有補世教為多。又曰：兼三才而兩之，五天二地也。

家人有嚴君焉，父母之謂也。

傳

家人一字

之道，必有所尊嚴，而君長者謂

父母也。雖一家之小，无尊嚴，則孝敬衰。无君

長，則法度廢，有嚴君而後家道正。家者國之

則也。

本義

亦謂二五

或問傳曰：家人之道，必有所尊嚴，而君長者謂父母也。如

此則嚴君作兩字說，然自舊諸家只作一字說，未知如何。朱子曰：所尊嚴之君長也。○問

家人彖辭不盡取象，曰：註中所以但取二五不及他象者，但因彖傳而言耳。大抵彖傳取

象最精象中所取却恐有假合處○涑水司
馬氏曰家者治之至小者也然亦有嚴君之
道焉嚴恭也知事親則知事君矣○建安丘
氏曰既言男女之正至此又推本於父母之
嚴故曰家人有嚴君焉君謂父母即一家之
君長也君長嚴則臣下肅父母嚴則家道齊
必父母之嚴於其子如君之嚴於其臣則倫
理一定尊卑截然无干名犯分之事而家道
正家道既正則天下莫不一於正矣○趙氏
曰父義母慈母何以亦稱嚴蓋母之不嚴家
之蠹也瀆上下之分庇子弟之過亂内外之
別嫚帷薄之儀父雖嚴有不能盡察者必父
母尊嚴内外齊肅然後父尊子卑兄弟恭
夫制婦聽各盡其道而後家道正正家而天
下定矣○雲峯胡氏曰本義指二五言在男
女則九五六二皆正在父母則九五之剛可
謂之嚴六二之柔未必能嚴故夫子發彖辯
言外之意曰家人有嚴君焉父母之謂也其
哉深

周易傳義卷十三

父父子子兄兄弟弟夫夫婦婦而家道正正家
而天下定矣

傳父子兄弟夫婦各得其道則家道正矣推
一家之道可以及天下故家正則天下定矣

本義上父初子五三夫四二婦五兄三弟以
卦畫推之又有此象

雲峯胡氏曰齊家之道在篤恩義然以正倫理

為本上父初子上下分而父子之倫正矣五
夫四婦五上四下也三夫二婦三上二下也
五兄三弟五上三下也夫婦之上下分而夫
婦正兄弟之上下分而兄弟正矣特父子之
上下相去甚遠而其分嚴兄弟之相去甚近
而其情親夫婦雖相比而亦未嘗无上下之
分也卦惟以女正為利夫子彖言外之意則
謂男女皆當正又謂父子兄弟夫婦皆當正

本義又即卦畫以推其象明且備矣

象曰風自火出家人君子以言有物而行有恒

行下孟反

傳正家之本在正其身正身之道一言一動

不可易也君子觀風自火出之象知事之由內而出故所言必有物所行必有恒也物謂事實恒謂常度法則也德業之著於外由言行之謹於內也言慎行修則身正而家治矣

本義

身修則家治矣

朱子曰風自火出家人是火中有風如一堆火

光此氣自薰蒸上出是也○問風自火出曰謂如一爐火必有氣衝上去便是風自火出

家人

周易傳義大全十三

四十六

周易傳義卷之十一

四十六

然此只是言自內及外之意○勉齋黃氏曰
風自火出明內齊外之義今曰身修家治則
於風自火出之象有所未明火在內卦為明
內明身修也風在外卦為齊家治也上
九一爻是其義也○中溪張氏曰巽為風離
為火蓋火熾則風生而火者風之母也君子
知風自火出之象則知風化之本自家而出
而家之本又自身而出也夫身之所出惟言
與行物猶不誠无物之行有恒則非偽行言
也言有物則非虛言行有恒則非偽行言行
相顧則其身修身修則家齊國治天下平矣
此知風之自也○雲峯胡氏曰風自火出一
家之化自吾言行出皆由內及外自然薰蒸
而成者也○西溪李氏曰風自火出橐籥之
火也大凡鼓鑄須是鼓得許多風從火裏出
故風自火出橐籥自有一箇戶庭間奧家之
象也就中必有模範風也火也金也器也皆
有模範君子體之有物行有恒正家以身
言行身之模範也一家之模範也天下之模
範也

初九閑有家悔亡

傳初家道之始也閑謂防閑法度也治其有家之始能以法度為之防閑則不至於悔矣治家者治乎衆人也苟不閑之以法度則人情流放必至於有悔失長幼之序亂男女之別傷恩義害倫理无所不至能以法度閑之於始則无是矣故悔亡也九剛明之才能閑其家者也不云无悔者羣居必有悔以能閑故亡耳

本義初九以剛陽處有家之始能防閑之其

悔亡矣戒占者當如是也

龜山楊氏曰禮始於謹夫婦為宮室

辨內外男位乎外女位乎內男不入女不出所以開有家也所以謹始也始不開終必亂矣○中溪張氏曰離外實中虛有家之象二為家人之主初以剛明之才居其下得防閑之道於其始而羣居紛爭之悔自亡矣○雲峯胡氏曰初之時當開九之剛能開三五以剛居剛而吉初以剛居剛而能防閑其家者也僅曰悔亡何哉家難而天下易能閑於初僅可免悔初之不閑悔將若何

象曰閑有家志未變也

傳

閑之於始家人志意未變動之前也正志

未流散變動而閑之則不傷恩不失義處家之善也是以悔亡志變而後治則所傷多矣

乃有悔也

本義 志未變而豫防之

庸齋趙氏曰開於始則人心未變无傷恩

害義

之事故悔亡教婦初來教子嬰孩是也

○中

溪張氏曰防閑之道當謹其初也若待

家瀆而後嚴之志變而後治之則敬戒之意失而有悔矣○雲峯胡氏曰家人志已變而

防之者難未變而防之者易

六二无攸遂在中饋貞吉

傳

人之處家在骨肉父子之間大率以情勝

禮以恩奪義唯剛立之人則能不以私愛失其正理故家人卦大要以剛為善初三上是也六二以陰柔之才而居柔不能治於家者

也故无攸遂无所為而可也夫以英雄之才
尚有溺情愛而不能自守者况柔弱之人其
能勝妻子之情乎如二之才若為婦人之道
則其正也以柔順處中此它本无五字正婦人之道
也故在中饋則得其正而吉也婦人居中而
主饋者也故云中饋

本義六二柔順中正女之正位乎內者也故

其象占如此

進齋徐氏曰六二以柔居中巽順應五婦之道也遂專成也婦

人无所專成惟在主中饋而已所謂惟酒食是議者也貞吉者居中得正固守順道故吉也○漢上朱氏曰孟母曰婦人之禮精五飯罍酒漿養舅姑縫衣裳而已故有閨門之修

无境外之志是也○雲峯胡氏曰婦人无遂
事從人而已六二正應九五從之者也故曰
无攸遂居下卦之中故曰采蘩采蘋之詩以公
食之象○雙湖胡氏曰采蘩采蘋之詩以公
侯夫人奉祭祀為不失職大夫妻共祭祀為
循法度祭祀蓋饋事之大者婦无遂事惟在
中饋可見矣故六二貞吉惟以在中饋
言彖辭所謂利女貞者其六二當之歟

象曰六二之吉順以巽也

傳二以陰柔居中正能順從而卑巽者也故

為婦人之貞吉也

中溪張氏曰六二得正而
吉者以其能順從九五之

正應而卑
巽之也

九三家人嗃嗃悔厲吉婦子嘻嘻終吝

嗃呼落
反嘻嘻

悲反
象同

家人

傳 嗃嗃未詳字義然以文義及音意觀之與

嗃嗃相類又若

一作人若

急束

一作速

之意九三在

內卦之上主治乎內者也以陽居剛而不中
雖得正而過乎剛者也治內過剛則傷於嚴
急故家人嗃嗃然治家過嚴不能无傷故必
悔於嚴厲骨肉恩勝嚴過故悔也雖悔於嚴
厲未得寬猛之中然而家道齊肅人心祇畏
猶為家之吉也若婦子嘻嘻則終至羞吝矣
在卦非有嘻嘻之象蓋對嗃嗃而言謂與其
失於放肆寧過於嚴也嘻嘻笑樂无節也自

恣无節則終至敗家可羞吝也蓋嚴謹之過
雖於人情不能无傷然苟法度立倫理正乃
恩義之所存也若嘻嘻无度乃法度之所由
廢倫理之所由亂安能保其家乎嘻嘻之甚
則致敗家之凶但云吝者可吝之甚則至於
凶故未遽言凶也

本義

以剛居剛而不中過乎剛者也故有嗃

者嚴厲之象如是則雖有悔厲而吉也嘻嘻
者嗃嗃之反吝之道也占者各以其德為應
故兩言之

朱子曰禮本天下之至嚴行之各
得其分則至和如家人嗃嗃悔厲

吉婦子嘻嘻終吝都是此理。進齋徐氏曰：九三以剛居剛而不中，故有嗃嗃之象。治家之道，二四兩柔之間，故又不有嘻嘻之象。治家之道，易以情勝義，苟剛而不中，雖過於嚴而有悔。屬然而家道齊肅，人心祗畏，猶為家之吉。而末失道也，若笑樂无節，倫家道所由以壞也。豈則敗度喪禮，失節亂倫，家道所由以壞也。不終可吝乎？○雲峯胡氏曰：嗃嗃以義勝情，雖悔厲而吉，凶。九三以情勝義，終吝悔，自凶而吉。吝自吉而凶，九三以情勝義，終吝悔，自凶而吉。入者比乎二柔，又若易昵於婦子者，三其在此。吉凶之間，乎故悔吝之占，兩言之。○東萊呂氏曰：此爻如對兩家而言，且如入一家見其父子夫婦濟濟有禮，可以知其必興。見其嘻嘻，胡氏曰：六爻獨求九三，稱家人以其當一卦之中，介乎二陰之間者也。道焉為一家之主者也。

象曰：家人嗃嗃，未失也；婦子嘻嘻，失家節也。

傳 雖嗃嗃於治家之道未為甚失若婦子嘻

嘻是元禮法失家之節家必亂矣中漢張氏曰治家嚴

急寧无傷恩之悔然猶未失治家之道也若夫婦子嘻嘻笑樂无度豈不失治家之節乎

六四富家大吉

傳 六以巽順之體而居四得其正位居得其

正為安處之義巽順於事而由正道能保有

一无其富者也居家之道能保有一无其富

則為大吉也四高位而獨云富者於家而言

高位家之尊也能有其富是能保其家也吉

孰大焉

唐虞傳義九全一三

本義 陽主義陰主利以陰居陰而在上位能

富其家者也 朱子曰占法陽主貴陰主富○中溪張氏曰六四與初九為正

應又介乎九三九五之間以柔得剛以虛受實故能富盛其家而有大吉之占六四以巽

順之道而在高位其一家之母數記曰父子篤兄弟睦夫婦和家之肥也家之肥即家之

富也○雲峯胡氏曰小畜九五稱富泰六四稱不富陽實而陰虛也家人六四陰也而稱

富陽主義陰主利也卦二陰爻皆得正二之貞吉順以巽也四之大吉順在位也玩兩順

字婦道盡矣二在下之婦也四之位其在上而主家之婦乎主家如此是宜其家之富而

大吉也○李氏開曰初開之二饋之三治之四則享其富此治家之序也

象曰富家大吉順在位也

傳 以巽順而居正位正而巽順能保有 有一字

其富者也富家之大吉也

建安丘氏曰女子

人於三之象曰順以巽於四之象曰順在位以言女子未有不順其夫而家道得其正者故二象皆以順言之○進齋徐氏曰富家者非必金帛寶玉而後為富但父父子兄兄弟弟夫夫婦婦各安其位順而無逆能保有其家而不敗即所謂富也吉莫大焉若父子兄弟夫婦之間各失其道則家敗无日富可保乎

九五王假有家勿恤吉

假更白反象同

傳

九五男而在外剛而處陽居尊而中正又

其應順正於內治家之至正至善者也王假有家五君位故以王言假至也極乎有家之道也夫王者之道修身以齊家家正而天下

治矣自古聖王未有不以恭已正家為本故
有家之道既至則不憂勞而天下治矣勿恤
而吉也五恭已於外二正家於內內外同德
可謂至矣

蘭氏廷瑞曰剛中正為家人之主而初二三四各當其位亦如人君

正身齊家使父子兄弟夫婦各正位乎內外而不相紊故不待憂恤而吉○建安丘氏曰三五陽剛皆主治家者也三剛而不中失之過嚴未免有悔厲之失五剛而得中威而能愛盡乎治家之道故人无不化可以勿憂恤而吉也或曰治家之道尚嚴在彖以嚴正為吉五以相愛為義何也曰嚴以分言正家之義也愛以情言假家之義也假有感格之義故象以相愛言之○雙湖胡氏曰常人處家之道九三爻已盡之此又自王者事所謂刑于寡妻至于兄弟以御于家邦者是也然王者自可用初三上交常人得五爻亦有有

家之道也

本義 假至也如假于大廟之假有家猶言有

國也九五剛健中正下應六二之柔順中正

王者以是至于其家則勿用憂恤而吉可必

矣蓋聘納后妃之吉占而凡有是德者遇之

皆吉也朱子曰王假有家言到這裏方具得

有家之有只是如風夜浚明有家亮采有邦

之有謂三德者則風夜浚明於其家有六德

者則亮采於其邦有是虛字非如奄有四海

之有也○雲峯胡氏曰不曰有國有天下而

家人

周易傳義大全卷十三

五十三

象曰王假有家交相愛也

傳王假有家之道者非止能使之順從而已

必致其心化誠合夫愛其內助婦愛其刑家
交相愛也能如是者文王之妃乎若身修法
立而家未化未得為假有家之道也

本義程子曰夫愛其內助婦愛其刑家童溪

曰以二五言之則二爻居相應之地二有內
助之德而五愛之五有刑家之道而二愛之
此謂交相愛也○雲峯胡氏曰二五皆中正
其愛也非情欲之愛五愛二之柔順中正足
以助乎五二愛五之剛健中正足以刑于二
也○誠齋楊氏曰以文王為君以太姒為妃
以王季為父以太任為母以武王為子以邑
姜為婦其不交相愛乎詩人歌之曰刑于寡

周易傳義卷之十三

五十三

妻至于兄弟以御
于家邦此之謂矣

上九有孚威如終吉

傳

上卦之終家道之成也故極言治家之本

治家之道非至誠不能也故必中有孚信則
能常久而衆人自化為善不由至誠已且不
能常守也况欲使一作衆人乎故治家以有孚
為本治家者在妻孥情愛之間慈過則无嚴
恩勝則掩義故家之患常在禮法不足而瀆
慢生也長失尊嚴少忘恭順而家不亂者未
之有也故必有威嚴則能終吉保家之終在

有孚威如二者而已故於卦終言之

本義上九以剛居上在卦之終故言正家久

遠之道占者必有誠信嚴威則終吉也進齊

曰上九以陽剛居卦之終家道大成人信之矣故曰有孚然不以人信而或弛律身益嚴

故曰威如身愈脩則家愈齊保家之道也故曰終吉○涑水司馬氏曰上九以陽居上家

之至尊者也家人望之以為儀表苟其身正不令而行是以內盡至誠為下所信然後有

威如可畏而獲終吉也○縉雲馮氏曰為人父者躬行之有素則家人無不孚之者矣其

所謂躬行者豈飭厲以為威哉正其衣冠尊其瞻視儼然人望而畏之非心罔念已潛消

而默化矣此威如之吉而象以為反身之謂也○雲峯胡氏曰九三嚆嚆處家之過嚴上

九威如律身之自嚴大有六五厥孚交如威如六陰柔以其不足於嚴而勉之家人有孚

如六陰柔以其不足於嚴而勉之家人有孚

威如九陽剛以其能自律之嚴而許之也卦
未有如家人皆吉者然始之吉易終之吉難
故必有誠信威嚴則終吉矣卦以家人名一
家之人也本義以卦推之上父初子五三夫
二四婦五兄三弟或又以內外卦推之正位
乎內則初女二婦三母母嚴婦順女當自閑
故初三剛而二柔正位乎外則四子五夫上
父父嚴夫義子順乎親故上與五剛而四柔
易之曲暢旁
通也如此

象曰威如之吉反身之謂也

傳治家之道以正身為本故云反身之謂爻
辭謂治家當有威嚴而夫子又復戒云當先
嚴其身也威嚴不先行於已則人怨而不服
故云威如而吉者能自反於身也孟子所謂

身不行道不行於妻子也

本義謂非作威也反身自治則人畏服之矣


南軒張氏曰居家人之上家人所瞻仰而視效者也身不修則家不可齊此家人六爻卒歸於反身也反身謂何言有物而行有恒而已○雲峯胡氏曰未有不嚴於身而能嚴於家者九三嗃嗃之嚴有悔而吉上九反身之嚴終吉无悔○節齋蔡氏曰初與四二與五皆以柔應剛故有順德三與上以剛遇剛故三嗃嗃而上威如也○西溪李氏曰卦中六爻不惟男女之定位剛柔之位亦不可易上父道三母道貴嚴五夫道貴義故以九居之四子道二婦道貴順故以六居之初女之道安得用剛蓋女子之未從人也當以禮自防不然則為不有躬之女故亦以九居之剛柔皆當所以為家道之善○建安丘氏曰家人一卦先儒謂內卦三爻女子之道始也為人女故初爻男子之事也女子之道始也為人女故初

閑有家中也為人婦故二在中饋終也為人
母故三家人嚙嚙即彖辭女正位乎內也男
子之道始也為人子故四富家吉中也為人
夫故五假有家終也為人父故上威如吉即
彖辭男正位乎外也


周易傳義大全卷之十三

周易傳義大全卷之十三

五十一



周易傳義大全卷之十三





七

七